


詩

行邁

軍旅

文苑英華

二百九十一至三百



文苑英華卷第二百九十一

詩一百四十一

行邁三

張九齡十一首

張子容二首

王維四首

孫逖六首

賀知章一首

孟浩然十一首

杜甫十首

李白五首

張軫一首

蔡希寂一首

綦毋潛一首

初發道中寄還

張九齡

集作遠

日夜鄉山遠秋風復此時舊聞胡馬思今聽楚猿悲念別朝昏苦懷歸歲月遲壯圖空不息常恐髮如絲

以下十一篇並見集本

自豫章南還江上作

前人

歸去江南水磷磷見底清轉逢空閣處聊洗滯留情浦樹

遙如待沙鷗近若迎津途別有趣况乃濯吾纓

自始興谿夜上赴嶺

前人

常蓄名山意茲為世網牽征途屢及此初服已非然日落
青巖際谿行綠篠邊去舟乘月後歸鳥息人前數曲迷幽
嶂連圻觸暗泉深林風緒結遙夜客情懸非梗胡為泛無
膏亦自煎不知于役者相樂在何年

初入湘中有喜

前人

湘中作以上二卷詩並見一百六

前人

浮沉前篇作浮波集作浮沒

自湘水南行

前人

落日催行舫逶遲集作迤洲渚間誰云有物役乘此更休閑
暝色生前浦清暉發近山中流澹容與唯愛鳥飛還

耒陽谿夜行

前人

乘夕棹歸舟緣源路轉幽月明看嶺樹風靜聽溪流嵐氣
船間入霜華衣上浮猿聲雖此夜不是別家愁

自彭蠡湖初入江

前人

江岫殊空闊雲煙處浮上來羣噪鳥中去獨行舟牢落誰
相顧逶迤日自愁更將心問影于役復何求

初發曲江谿中

前人

谿流清且深松石復陰臨正爾可嘉處胡為無賞心我猶
不忍別物亦有緣侵自匪嘗行邁誰能知此音

江西一作河夜行

前人

遙夜人何在澄潭月裏行悠悠天宇曠切切故鄉情外物
寂無擾中流澹自清念歸春服集作林葉換愁坐路華生獨有
汀洲鶴宵分作一鳴

南陽道中作

前人

登郢屬歲陰及宛憎所適復聞東漢主遺此南都迹佳氣
藹厥初霸圖紛在昔茲邦稱貴近與世嘗薰赫遭遇感風
雲變衰空草澤不識鄧公樹猶傳陰后石驅馬歷闔閭荆
榛翳阡陌事去物無象感來心不懌懷古對窮秋興言傷
遠客眇然遵岐路辛勤弊行役雲鴈號相呼林麇走自索
顧憶徇書劔未嘗安枕席豈暇墨突黔空持遼豕白迷復
期非遠歸歟賞農隙

自樂城赴永嘉枉路泛白湖寄松陽李少府

張子容

西行礙淺石北轉入溪橋樹色煙輕重湖光風動搖百花
亂飛雪萬嶺疊青霄猿挂臨潭篠鷗迎出浦橈誰應賞心
客茲路不言遙

泛永嘉江日暮迴舟

前人

無雲天欲暮轉鷁大江清歸路煙中遠迴舟月上行傍潭
窺竹暗出嶼見沙明更值微風起乘流絲管聲

早入滎陽界

王維

泛舟入滎澤茲邑乃雄藩河曲閭閻隘川中煙火繁因人
見風俗入境聞方言秋野田疇盛朝光市井喧漁商波上
客雞犬岸傍村前路白雲外孤帆安可論

以下四篇
並見集本

宿鄭州

前人

朝與周人辭暮投鄭人宿他鄉絕儔侶孤客親僮僕宛洛
望不見秋霖晦平陸田父草際歸村童雨中牧主人東臯
上時稼遶茆屋蟲鳴集作思機杼休集作悲雀喧禾黍熟明當
渡京水昨夜集作晚猶金谷此去欲何之集作言窮邊徇集作食
微祿

自大散已往深林密竹磴道盤曲四五十里至

黃牛嶺見黃花川

前人

危徑幾萬轉數里將三休迴環見徒侶隱映隔林丘颯颯
松上雨潺潺石中流靜言深林集作裏長嘯高山頭望見
南山陽白日集作露集作靄悠悠青臯麗已淨綠樹鬱如浮曾是
厭蒙密曠然消人憂

曉行巴峽

前人

際曉投巴峽餘春意帝京晴江一女浣朝日衆雞鳴水國
舟中市山橋樹杪行登高萬井出眺迴二流明人作殊方
語鴛鴦舊國聲賴多集作山水趣稍解別離情

淮陰夜宿二首

孫逖

水國南無畔扁舟北未期鄉情淮上失歸夢郢中疑木落
知寒近山長見日遲客行心緒亂不及洛陽時

二

永夕臥煙塘蕭條天一方秋風淮木落寒夜楚歌長宿莽
非中土鱸魚豈我鄉孤舟行已倦南起尚茫茫

下京口埭夜行

前人

孤帆度綠氛寒浦落紅曛江樹朝來出吳歌夜漸聞南溟
接潮水北斗近鄉雲行役從茲去歸情入鴈羣

山行遇雨

前人

驟雨晝氛氳空天望不分暗山唯覺電窮海但生雲涉澗
猜行潦綠崖畏宿氛夜來江月寂棹唱此中聞

夜到潤州

前人

夜入丹陽郡天高氣象秋海隅雲漢轉江畔火星流城郭
一作傳金柝閤閣閉綠洲客行九幾夜新月再如鉤

夜宿浙江

前人

扁舟夜入江潭泊露白風秋氣蕭索富春渚上潮未還天

姥岑邊月初落煙水茫茫多苦心更聞江上越人吟洛陽
城闕何時見西北浮雲朝暝深

曉發

賀知章

江臯聞曙鍾輕棧理還舸海潮夜約約川霧晨溶溶如見
沙上鳥猶霾雲外峯故鄉眇無際明發懷朋從

夜渡湘江

孟浩然

客行集作舟貪利涉夜集作關裏渡湘川露氣聞香集作芳杜歌
聲識暗集作采蓮榜人投岸火漁子宿潭煙行旅遙集作時相

問津

集作尋

陽何處邊

以下十一篇並見集本

沂江至武昌城

前人

家本江湖上歲時歸思催客心徒欲速世路共集作苦迢迢
殘凍因氣解新正度臘開行看武昌柳髮歸映樓集作陽臺

旅行欲泊宣州界

集作宣城界

前人

西塞沿江島南陵問驛樓湖平津渡閣風止客帆收去去

懷前浦茫茫泛夕流石逢羅刹礙山泊敬亭幽火熾梅根

冶煙迷楊葉洲離家復水宿相伴賴江集作沙鷗

行至漢川作

集作山望漢川

前人

異縣非吾土連山盡綠篁平田出郭少盤壠集作坂入雲長

萬壑歸于漢千峯割彼蒼猿聲亂楚峽人語帶巴鄉石上

攢椒樹藤間養集作綴密房雪餘春未暖嵐解晝初陽征馬

自洛之越

前人

遑遑三十載書劍兩無成山水尋吳越風塵歇洛京扁舟
泛湖海長揖謝公卿且樂盃中酒集作物誰論世上名

晚泊潯陽望廬山

前人

掛帆一音作去聲集作席恐不知側音耳幾千里名山都未逢泊舟潯陽郭

始見香爐峯嘗讀遠公傳永懷塵外蹤東林精舍在集作
日暮空但集作聞鍾

歸至郢中

前人

遠遊經海嶠返棹歷山河集作歸山阿歸日夕見喬木鄉園成集作
在關代柯愁隨江路盡喜入郢門多左右看桑土集作依然

即匪他

早發漁浦潭

前人

晨旭光蒼茫集作東旭者禽似集作驚聒卧聞漁浦口撓
聲暗相撥日出氣象分始知江路闊美人常晏然集作照
影弄流沫飲水畏驚猿祭魚常集作見獺舟行自無悶况
值晴景豁

建德江宿

前人

移舟泊幽集作煙集作渚日暮客愁新野曠天低樹江清月近人

問舟子

前人

向夕問舟子前程復集作幾多灣頭正好泊淮裏足風波
濟江問舟人集作前人

潮落江平未有風扁舟共濟與君同時時引領望天未何
處青山是越中

遠遊

杜甫

江閣浮高棟雲長出斷山塵沙連越雋風雨暗荆蠻鴈矯
銜蘆內猿啼失木間弊裘蘇季子歷國未知還以上十篇
並見集本

晚行口號

前人

三川不可望集作歸路晚山稠落鴈浮寒水飢鳥集戍樓
市朝今日異喪亂幾時休遠愧梁江惣還家尚黑頭

早發射洪縣南途中江上作 前人

將老憂貧窶筋力豈能及征途復侵星得使諸病入鄙人

始見香爐峯嘗讀遠公傳永懷塵外蹤東林精舍在集作
日暮空但集作聞鐘

歸至郢中

前人

遠遊經海嶠返棹歷山河集作歸山阿集作歸日夕見喬木鄉園成集作
關在代柯愁隨江路盡喜入郢門多左右看桑土集作依然

即匪他

早發漁浦潭

前人

晨旭光蒼茫集作東旭者禽似集作驚聒卧聞漁浦口橈
聲暗相撥日出氣象分始知江路闊美人常晏然集作照
影弄流沫飲水畏驚猿祭魚常集作見懶舟行自無悶况
值晴景豁

建德江宿

前人

移舟泊幽集作者日暮客愁新野曠天低樹江清月近人

問舟子

前人

向夕問舟子前程復集作幾多灣頭正好泊淮裏足風波

濟江問舟人

前人

潮落江平未有風扁舟共濟與君同時時引領望天未何
處青山是越中

遠遊

杜甫

江閣浮高棟雲長出斷山塵沙連越雋風雨暗荆蠻鴈矯
銜蘆內猿啼失木間弊裘蘇季子歷國未知還以上十篇

晚行口號

前人

三川不可望集作歸路晚山稠落鴈浮寒水飢鳥集戍樓
市朝今日異喪亂幾時休遠愧梁江惣還家尚黑頭

早發射洪縣南途中江上作

前人

將老憂貧窶筋力豈能及征途復侵星得使諸病入鄙人

寡道氣在困無獨立傲裝逐徒侶達曙陵險澁寒日出霧
遲清江轉山急僕夫行不進駑馬若維繫汀洲稍踈散風
景開快一作愜一作愜空慰所尚懷中非曩遊集衰顏偶一破勝
事難屢挹茫然阮籍途更灑揚朱泣

發同谷縣

乾元二年自
隴右赴劔南

前人

賢有不默突聖有不暖席況我飢愚人一作夫一作馬得集作尚
安宅始來茲山中林駕喜地僻柰何迫物累一歲四行役
忡忡去絕境杳杳更遠適停驂龍潭雲迴首白崖石臨岐
別數子握手淚再滴交情無舊深窮老多慘憾平生懶拙
意偶值棲道跡去住與願違仰慙林間翮

早行

前人

歌哭俱在曉行邁有期程孤舟似昨日聞見同一聲飛鳥
散集作求食潛魚亦一作獨驚前王作網罟設法害生成

碧藻非不暮

集作

高帆終日征干戈未

集作

揖讓崩迫開其情

次晚洲

前人

叅錯雲石稠坡陀風濤壯晚洲適知名秀色固異狀掉經
垂猿把身在度鳥上擺浪散帙妨危沙折花當羈離慙
悅羸老返惆悵中原未解兵吾得終踈放

過津口

前人

南岳自茲近湘流東逝深和風引桂楫春日漲雲岑迴首
過津口而多楓樹林白魚困密網黃鳥喧佳音物微限通
塞惻隱仁者心瓮餘不盡酒膝有無聲琴聖賢兩寂寞眇
眇獨開襟

早發

前人

有求常百慮斯文亦吾病以茲朋故多窮老驅馳併早行
蒿師怠掛席風不正昔人戒垂堂今則奚奔命濤翻黑蛟

寡道氣在困無獨立傲裝逐徒侶達曙陵險澁寒日出霧
遲清江轉山急僕夫行不進駑馬若維繫汀洲稍踈散風
景開快一作悒一作空慰所尚懷中非曩遊集衰顏偶一破勝
事難屢挹茫然阮籍途更灑揚朱泣

發同谷縣

乾元二年自
隴右赴劔南

前人

賢有不默突聖有不暖席况我飢愚人一作馬得集作尚
安宅始來茲山中林駕喜地僻柰何迫物累一歲四行役
忡忡去絕境杳杳更遠適停驂龍潭雲迴首白崖石臨岐
別數子握手淚再滴交情無舊深窮老多慘憾平生懶拙
意偶值棲道跡去住與願違仰慙林間翮

早行

前人

歌哭俱在曉行邁有期程孤舟似昨日聞見同一聲飛鳥
散集作求食潛魚亦一作獨驚前王作網罟設法害生成

碧藻非不暮

集作茂

高帆終日征干戈未

集作異

揖讓崩迫開其情

次晚洲

前人

叅錯雲石稠坡陀風濤壯晚洲適知名秀色固異狀掉經
垂猿把身在度鳥上擺浪散帙妨危沙折花當羈離慙
悅羸老返惆悵中原未解兵吾得終踈放

過津口

前人

南岳自茲近湘流東逝深和風引桂楫春日漲雲岑迴首
過津口而多楓樹林白魚困密網黃鳥喧佳音物微限通
塞惻隱仁者心羗餘不盡酒膝有無聲琴聖賢兩寂寞眇
眇獨開襟

早發

前人

有求常百慮斯文亦吾病以茲朋故多窮老驅馳併早行
篙師怠掛席風不正昔人戒垂堂今則奚奔命濤翻黑蛟

躍日出黃霧映煩促瘴豈侵顏倚睡還醒僕夫問與櫛暮
顏靦青鏡隨意簪葛巾仰慙林花盛側聞夜來寇幸喜囊
中淨艱危作遠客干請傷直性薇蕨餓首陽粟馬資歷聘
賤子欲適從疑悞此二柄

次空靈岸

前人

云云逆素浪落落展清眺幸有舟楫遲得盡所歷妙空靈霞
石峻楓枯隱奔峭青春猶有一作無私白日亦偏照可使營
吾居一作屋終焉託長嘯毒瘴未足憂兵戈滿邊徼嚮者留
遺恨耻爲達人誦回帆覬賞延住處領其要

宿花石戍

前人

午辭空靈一作虛岑夕得花石戍岸疏開闢水一作山木雜今古
樹地蒸南風盛春熱西日暮四序本平分氣候何迴互茫
茫天造間理亂豈恒數繫舟盤藤輪杖策古樵路罷人不

在村野圃泉自注柴扉雖蕪沒農器尚牢固山東殘逆氣
吳楚守王度誰能扣君門下令減征賦

夜宿一作集牛渚

李白

牛渚西江夜青天無片雲登舟望秋月空憶謝將軍余亦
能高詠斯人不可聞明朝挂帆席楓葉落紛紛

宿白鷺州寄揚江寧

前人

朝別朱雀門暮栖白鷺洲波光搖海月星影入城樓望美
金陵宰如思瓊樹憂徒令魂作夢翻覺夜成秋綠水解人
意爲餘西北流因聲玉琴裏蕩漾寄君愁

金陵阻風雪書懷寄揚江寧一作新林浦前人

潮水定可信天風難與期清晨西北轉薄暮東南吹以此
難挂席洄沿淹遲使索金陵書又叨賢宰知絃歌止過
客惠化聞京師海月破團景菰蔣生淥池昨日一作見北湖花

初開未滿枝今看集作白門柳夾道垂青絲歲物忽如此
我來復幾時紛紛江上雪草草客中悲明發板橋浦空吟
謝眺詩

流夜郎半道承恩放還兼欣尅復之美書懷示
息秀才

前人

黃口爲人羅白龍乃魚服得罪豈恣天以愚陷網目鯨鯢
未獮滅豺狼一作屢翻覆悲作一作楚地囚何由秦庭哭
遭逢二明主前後兩遷逐去國愁夜郎投身竄荒谷半道
雪化蒙曠如鳥出籠遙欣尅復美光武安可同天子巡劍
閣儲皇守扶風揚袂正北辰開襟攬羣雄胡兵出月窟雷
破關之東左掃因右拂旋收洛陽宮回輿入咸京席卷六
合通叱咤開地業手成天地功大駕還長安兩日忽再中
一朝讓寶位劍璽傳無窮媿無秋毫力誰念矍鑠翁弋者

何所慕高飛仰宜鴻棄劍學丹砂臨鑑雙玉童寄言息夫子
歲晚陟方蓬

客中作

前人

蘭陵美酒鬱金香玉盃盛來琥珀光但使主人能醉客不
知何處是他鄉

舟行早發

張軫

夜帆時未發同侶暗想催山曉月初下江鳴潮欲來稍分
揚子岸不辨越王臺自客水鄉裏舟行知幾迴

陝中作

蔡希寂

西別秦關近東行陝服長川源餘讓畔歌吹憶遺棠河水
流城下山雲起路傍更憐栖泊處池館繞林篁

早發上東門

綦毋潛

十五能行西入秦三十無家作路人時命不將明主合素

衣空染洛陽塵

文苑英華卷第二百九十一

登仕郎胡柯鄉貢進士彭叔夏

校正

早發射洪縣復侵星

復川作乃

道氣

川本作道義

發同谷縣白崖石

川本作白虎石

早發掛席

一作席掛

宿花石戍天造間

川本間作天地間

文苑英華卷第二百九十二

詩一百四十二

行邁四

崔顥四首

祖詠四首

儲光羲二首

宋昱一首

常建一首

王昌齡六首

陶翰一首

郭向一首

薛據一首

高適六首

劉長卿七首

崔曙二首

沈頌二首

張謂二首

岑參八首

李嘉祐四首

錢起一首

皇甫曾一首

張繼四首

顧況一首

司空曠三首

舟行入剡

崔顥

鳴棹下東陽，迴舟入剡鄉。
青山行不盡，綠水去何長。
地氣秋仍濕，江風晚漸涼。
山梅猶作雨，溪橘未知霜。
謝客文逾盛，林公未可忘。
多慙越中好，流恨閱時芳。

晚入汴河

前人

昨晚行南楚，今朝北汴河。
客愁能幾日，鄉路漸無多。
晴景搖津樹，春風起棹歌。
長淮亦已盡，寧復畏朝波。

發錦沙村

前人

北上途未半，南行歲已闌。
孤舟下建德，江水入新安。
海近山常雨，溪深地早寒。
行行泊不可，須及子陵灘。

行經華陰

前人

岩峩太華俯，咸京天外三。
峯削不成武，帝祠前雲欲散。
仙人掌上雨，初晴河山北。
枕秦關，險驛樹西連。
漢時平借問

路傍名利客，無如此處學長生。

泊楊子岸

前篇作津已見一百六十四卷

祖詠

鄉從此去

遙

前篇作鄉林藏前篇作今日

前篇作今日

氣近前篇昨夜

江南旅情

歸客集路

前人

楚山不可極，歸客但蕭條。
海色晴看雨，江聲夜聽潮。
劍流南斗近，書寄北風遙。
為報空潭橘，無媒贈洛橋。

過鄭曲

前人

路向滎川谷，一作中晴來望盡通。
細煙生水上，圓月在舟中。
岸勢迷行客，秋聲亂草蟲。
旅懷勞自慰，折折有涼風。

次圃田居

集作店

前人

前路入鄭郊，向經百餘里。
馬煩時欲歇，客程去未已。
落日桑柘陰，遙村煙火起。
西歸不遑宿，中夜渡京水。

行次田家溟梁作

儲光羲

田家俯長道邀我避炎氛當暑日方晝高天無片雲桑間
禾黍氣柳下牛羊羣野雀栖空屋晨風不復聞前登渙梁
坂極望溫原曠集分逆旅方三舍西山猶未分集作

夜到洛口入黃河

前人

河洲多青草朝暮增一作滋客愁客愁惜朝暮枉渚暫一作聊
停舟中宵大川靜解纜逐歸流浦淑既清曠沿洄非阻脩
登艦望落月繫汰悲新秋儻遇乘槎客未言星漢游

晚次荆江一作京

宋昱

孤舟大江水水涉無昏曙雨暗迷津時雲生望鄉處漁翁
閑自樂樵客紛多慮秋色湖上山歸心日邊樹徒稱竹箭
美未得楓林趣向夕垂鈎還吾從落潮去

泊舟盱眙

常建

泊舟淮水次霜降夕流清夜久潮侵岸天寒月近城平沙

依鴈宿候館聽雞鳴鄉國雲霄外誰堪羈旅情

九江口作

王昌齡

泝泝江勢闊雨開潯陽秋驛門是高岸望盡黃蘆洲水與
五溪合心期萬里遊明時無弃才謫去隨孤舟鷺鳥立寒
木丈夫佩吳鈎何當報君恩却繫風霜頭

客廣陵

前人

樓頭廣陵近九月在南徐秋色明海縣寒煙生里閭夜帆
歸楚客昨日渡江書為問易名叟垂綸不見魚

山行入涇州

前人

倦此山路長停驂問賓御桐林往或回集作林白日落

何處徒倚望長風滔滔引歸慮微雨隨雲收濛濛傍山去

西臨有邊邑北走盡亭戍涇水橫白煙州城隱寒樹所嗟

異風俗已自少集作情趣豈伊戀懷土集作解物且欣

遇集作觸目

宿灞上寄侍御與弟

前人

獨飲灞上亭寒山青門外長雲驟落日桑棗寂已晦古人
驅馳者宿此凡幾代佐邑由東南豈不知進退吾宗秉全
璞楚得璆琳最茅山就一微栢署起三載道契非物理神
交無留礙知我滄溟心脫略腐儒輩孟冬鑿輿出湯谷羣
臣會半夜馳道喧五侯擁軒蓋是時燕齊客獻術蓬瀛內
甚悅我皇心得與王母對賤臣欲干謁稽首期殞碎吾一作哲
弟感我情問易窮否泰良馬足尚踈寶刀光未淬昨聞羽
書飛兵氣連朔塞諸將多失律廟堂始追悔安能召書生
願得論要害戎夷非草木侵逐使狼狽雖有屠城功亦有
降虜背兵糧如山積恩澤如雨霈羸卒不可興磧地無足
愛若用匹夫策坐令重圍潰不費黃金資寧求白壁賚明

主憂既遠邊事亦可大荷寵務推誠離言深慷慨霜搖直
指草燭引明光珮公論日夕阻朝廷蹉跎會孤城海門月
萬里流光帶不應百丈松空老鍾山靄

大梁逾中作

前人

快快步長道客行眇無端郊原欲下雪天地稜稜寒當特
每酣醉不覺行路難今日無酒錢棲遑一作惶向誰嘆

途中作

前人

遊人愁歲晏早起遵王畿墜葉吹未曉疎林月微微驚禽
棲不定寒獸相因依歎此霜露下復聞鴻鴈飛渺然江南
意惜與中路遠羈旅悲壯髮別離念征衣永圖豈勞止明
節期所歸寧厭楚山曲無人長掩扉

早過臨淮

陶翰

夜得三者風晨過臨淮島朝中海氣白城上楚雲早鱗鱗

漁浦帆潏潏。蘆洲草川路。日浩蕩怒然。心如擣。但言任倚伏。何暇念枯槁。范子名屢移。蘧公志恒保。古人去已久。此理誰足道。

途中口號

郭向

抱玉三朝楚。懷書十上秦。年年洛陽陌。花鳥弄歸人。

泊震澤口

薛據

日落草木陰。舟徒泊江汜。蒼茫萬象開。合沓聞風水。沿洄值漁翁。窈窕逢樵子。雲開天宇靜。月明照萬里。早駕湖上飛。晨鍾海邊起。獨坐嗟遠遊。登岸望長洲。寥落星欲盡。瞳朧氣漸收。行藏空自秉。智識仍未周。伍胥既伏劍。范蠡亦乘流。歌竟鼓楫去。三江多客愁。

魯郡途中遇徐十八錄事

特此公與王書嗟別

高適

誰爲嵩穎客。遂經鄒魯鄉。前臨少昊墟。始覺東蒙長。獨行

豈吾心。懷古激中腸。聖人久已矣。游夏遙相望。徘徊野澤間。左右多悲傷。日出見闕里。川平知汶陽。弱冠負高節。十年思自強。終然不得意。去去任行藏。

高適此詩已見本集及百家詩選中今英華誤作王昌齡詩

自淇涉黃河五首

前人

朝從北岸來。泊船河南許。試共野人言。深覺農夫苦。去秋雖薄熟。今夏猶未雨。耕耘自劬日。勤勞租稅兼。曷鹵園蔬定。詩選寥落產業不足數。尚有獻芹心。無因見明主。以下五篇並見集本

二

茲川方悠悠。集作雲沙無前後。古塔集作對河壩。長林出淇口。獨行非吾意。東向集作日已久。憂來誰得知。且酌樽中酒。

三

皤皤河濱叟。相遇似有耻。輟榜聊問之。答言盡終始。一生

雖貧賤九十年未死且喜對兒孫
彌慙遠城市結廬黃河曲
垂釣長河裏溟漫望雲沙
蕭條聽風水所思強飯食
求願在鄉里萬事吾不知
其心只如此

四

孟夏桑葉肥濛濛集作稷陰夾長津
蠶農有時節田野無閑人
臨水狎漁商集作樵望山懷隱淪
誰能去京洛憔悴對風塵

五

南登滑臺上却望河淇間
行樹夾流水孤村集作城對遠山
念茲川路闊羨爾沙鷗閑
遙憶集作長想別離處獨集作猶無音
信還

餘干旅舍

劉長卿

搖落暮天迴青楓霜葉稀
孤城向水閉獨鳥背人飛
瘦口月初上鄰家漁未歸
鄉心正欲絕何處擣寒衣
以下七篇並見集本

安州道中經澧水有懷

前人

征途逢澧水忽似到秦川
借問朝天處猶看落日邊
映沙晴漾漾出澗夜濺濺
欲寄西歸恨微波不可傳

松江獨宿

前人

洞庭初下葉南客不勝愁
明月天涯夜青山江上秋
一官成白首萬里寄滄洲
久被浮名繫能無愧海鷗

却歸睦州至七里灘下作

前人

南歸猶謫官獨上子陵灘
江樹臨洲晚沙禽對水寒
山開斜照在石淺亂流難
惆悵梅花發年年此地看

北歸入至德州界偶逢洛陽隣家李光宰前入

生涯心事已蹉跎舊路依然此
重過近北始知黃葉落向南
空見白雲多炎洲日日人將老
寒渚年年水自波
葦髮相逢俱若是故園秋草復如何

温湯客舍

前人

冬狩温泉歲欲闌宮城佳氣晚宜看湯熏仗裏千旗暖雪
照出邊萬井寒君門獻賦誰相達客舍無錢輒自安且喜

禮園

集作闌

秦鏡在還

集作盡

將妍醜赴春官

入桂渚次砂牛穴

前人

扁舟傍歸路日暮瀟湘深湘水清見底楚雲澹無心片帆

遵

集作落

桂渚獨夜依楓林楓林月出猿聲苦挂魄集作天

寒桂花吐此中無處不堪愁江中客相看淚如雨

途中曉發

崔曙

曉霽長風裏勞歌起遠期雲深一作輕歸海疾月滿下山遲

旅望因高盡鄉心遇物悲故林遙不見況在路花時

早發交崖山還太室

前人

東林氣微白寒鳥高高翔吾亦別一作自茲去北一作此山歸

草堂仲冬正三五日月遙相望蕭蕭過頰上隴隴辨少陽

春冰生積雪野火出枯桑獨往路難盡窮陰人易傷傷此

無衣客如何度雪霜

一作雨霜蒙

早發西山

沈頌

游子空有懷賞心杳無路前程數千里乘夜連輕馭繚繞

松條中蒼茫猶未曙遙聞孤村犬暗指人家去疲馬懷澗

泉征衣犯霜露喧呼溪鳥驚沙上或騫翥娟娟東岑月照

曜獨歸慮

衛中作

前人

衛風愉艷宜春色淇水清冷增暮愁縱使榴花能一醉終

須萱草暫忘憂

辰陽即事

張謂

青楓落葉正堪悲黃菊殘花欲待誰水近偏逢寒氣早山

深常見日光遲愁中十命看周易病裏招魂讀楚詞自恨
不如湘浦鴈春來即是北歸時

邵陵作

前人

嘗聞虞帝苦憂人祇爲蒼生不爲身已道一朝辭北極何
須五月更南巡昔時文武皆銷鑠今日精靈長寂寞斑竹
年來笋自生白蘋春盡花空落遙望零陵見舊丘蒼梧雲
起至今愁唯餘帝子千行淚添作瀟湘萬里秋

奉和杜相公初發城行

岑參

按節辭黃閣登壇戀赤墀銜恩思報主授律遠行師野鵲
迎金印郊雲拂畫旗叨陪幕中客敢和出車詩

發臨洮赴北庭留別

見二百九十九卷

前人

晚發五度

前人

客獸巴南地鄉憐劍北天江村片雨外野寺夕陽邊芋葉

藏山逕蘆花間渚田舟行未可住乘月且須牽

巴南舟中夜事

一作市

前人

渡口欲黃昏歸人爭渡喧近鍾清野寺遠火點江村見鴈
思鄉信聞猿積淚痕孤舟萬里夜秋月不堪論

楚夕旂泊古興

前人

獨鶴浹江月孤帆凌楚雲秋水冷蕭索蘆荻夜紛紛忽見
湘川老欲訪雲中君騏驎息悲鳴愁見豺虎羣

赴犍爲經龍閣道

前人

側逕轉一作搏月壁危梁透滄波汗流出鳥道膽碎窺龍窩
驟雨暗溪谷歸雲網松蘿屢聞羌兒笛獸聽巴童歌江路
險復求夢魂愁更多聖主幸典郡不敢嫌岷峨

早上五盤嶺

前人

平旦驅駟馬曠然出五盤江迴兩崖鬪日隱羣峯攢蒼翠

煙景曙森沉雲樹寒松踈露孤驛花密藏迴難棧道溪雨滑畬田巖草乾此行爲知己不覺蜀道難

奉和相公發益昌

前人

相國臨戎發帝京擁旄持節遠橫行朝登劍閣雲隨馬夜一作渡巴江雨洗兵山花萬朶垂征蓋川柳千條撥去旌晚到蜀城應計日須知明主待持衡

自常州還江陰道中作

李嘉祐

處處空籬落江村不忍看無人花色慘多雨鳥聲寒黃霸初臨郡陶潛未去集作官乘春務征伐誰肯問凋殘以下四篇並見集本

南浦瘦口

前人

寂寞橫塘路新篁覆水低東風潮信滿時雨稻稭齊寡婦供租稅漁人逐鼓鼙慙無卓魯術解印謝黔黎

至七里灘作

前人

遷客投干越臨江淚滿衣獨隨流水遠轉覺故人稀萬木迎秋序千峯駐晚暉行舟猶未已惆悵暮潮歸

早秋京口旅泊章侍御寄書相問因以贈之時

七夕

前人

移家避寇逐行舟厭見南徐江水流吳地征徭非舊日秣陵凋弊不且秋千家閉戶無砧杵七夕何人望斗牛祗有同時驄馬客偏題尺牘問窮愁

春江晚行

錢起

斜日片帆陰春風孤客心山來指樵火岸去惜花林海氣蒸雲黑潮聲隔水集作深鄉愁不可道集作草色晚鷺吟

晚至華陰

皇甫曾

臘盡促歸心行人及華陰雲霞仙長出松栢古祠深野渡冰生岸川寒燒隔林溫泉程一作漸近宮樹晚沉沉

曉次淮陽

張繼

微涼風葉下楚俗轉清閑候館臨秋水郊扉掩暮山月明
朝漸滿一作近露濕鴈初還浮客了無定萍流淮海間

初出徽安門

前人

洛陽天子縣金谷石家鄉草色侵官道花枝出苑牆書成
休逐客賦罷遂為郎貧賤非吾事西遊當自強

楓橋夜泊

前人

月落烏啼霜滿天江村漁父詩選作江楓漁火對愁眠姑蘇城外
寒山寺半夜詩選作夜半鍾聲到客船

閶門即事

前人

耕夫召募逐樓船春草青青萬頃田試上吳門窺郡郭清
明幾處有新煙

歷陽苦一作夜雨

顧況

襄集作城秋雨晦楚客不歸心亥市風煙接隨宮草路深
離憂翻獨笑用事感浮陰夜夜空塔響唯餘蚯蚓集作吟

下武昌江行

司空曙

悠悠向楚鄉焚口下涔陽雲隱洲渚暗沙高蘆荻黃漁人
共留滯水鳥自喧翔懷土年空盡春風又森茫

望商山路

前人

南見青山道依然去國時已甘長避地誰料有還期雨霽
殘陽薄人愁獨望遲空殘華髮在前事不堪思

發渝州却寄韋判官

見二百五十四卷

前人

文苑英華卷第二百九十二

登仕郎胡柯鄉貢進士彭叔夏校正

文苑英華卷第二百九十三

詩一百四十三

行邁五

盧綸五首

戴叔倫六首

嚴維一首

孟雲卿一首

權德輿三首

朱放一首

賈琮一首

衛葉一首

余延壽一首

竇叔向一首

閻丘曉一首

柳中庸二首

胡皓一首

劉復二首

釋清江一首

釋靈一一首

李益一首

李端二首

章八元一首

毆陽詹四首

韓愈四首

劉禹錫四首

李宣遠一首

孟郊四首

呂溫二首

張籍四首

白居易六首

江行次武昌縣

盧綸

家寄五湖間扁舟往復還年年生白髮處處上青山去國空知遠安身竟不閑更悲江畔柳長是北人攀

夜泊金陵

前人

圓月出高城蒼蒼照水營江中正吹笛樓上又無更洛下仍傳箭關西欲進兵誰知五湖外將吏更爭名集作諸將但爭名

泊揚子江岸

已見一百六十四卷

前人

山映

前篇作山影

鏡催

前篇作鏡悲

沙草

前篇作芳草

晚次鄂州

至德中作

前人

見詩選

雲開遠見漢陽城猶是孤帆一日程估客晝眠知浪靜舟

人夜語覺朝生三湘愁鬢逢秋色萬里歸心對月明舊業

已隨征戰盡更堪江上鼓鼙聲

至德中途中即事寄李憫

前人

見百家詩選

亂離無處不傷情況復看碑對古城路遠寒山人獨去月

臨秋浦鴈空驚顏衰重喜歸鄉國身賤多慙問姓名今日

主人還共醉應憐世故一儒生

過柳州

戴叔綸

地盡江南戍山分桂北林火雲三月合石路九疑深暗谷隨風過危橋共鳥尋羈魂愁似詩選作已愁絕不復待猿吟

紅巴東嶺

前人

巴山不可上徒馭亦徘徊舊棧欹難度朝雲濕未開瀑泉飛雪雨驚獸起風雷此去無亭候征人幾日迴

過申州

前人

萬人曾戰死幾處見林兵井邑初安堵兒童未長城涼風
吹古木野火入殘營牢落千餘里山空水復清

次下牢韻

前人

獨立荒亭上蕭蕭晚對風天高吳塞闊日落楚山空猿叫三
聲斷江流一水通前程千萬里一夕宿巴東

夜發烏

詩選江作表

前人

半夜迴舟入楚鄉月明山色詩選水共蒼蒼孤猿更發詩選叫
秋風裏不是愁人也詩選亦斷腸

宿灌陽灘

前人

十月江邊蘆葉飛灌陽灘冷上舟遲今朝未遇高風便還
與沙鷗宿水湄

自雲陽歸晚泊陸澧宅

嚴維

天陰行易晚前路故人君孤棹所思久胃寒相見初開燈

忘夜未清漏任更疎明發還須去離家幾歲除

汴河阻風

已見一百五十六卷

孟雲卿

新安江路

權德輿

深潭與淺灘萬轉出新安人遠禽魚靜山深水木寒嘯起
青蘋末吟矚白雲端即事遂幽賞何必挂儒冠以下三篇並見集本

月夜江行

前人

扣船文粹不能集作寐浩露清衣襟彌傷孤舟夜遠結萬
里心幽興惜瑤草素懷寄鳴琴三奏月初上寂寥文粹寒

江深

奉使宜春夜渡新淦江陸路至黃蘗館路上遇

風雨作

前人

草草理夜裝涉江又登陸望路殊未窮指期今已促傳呼
戒徒馭振轡轉林麓陰雲擁巖端集作雨當山腹震雷

如在耳飛電來照目獸跡不敢窺馬啼唯務速度心若齋
禱濡體如沐浴萬竅相怒號百泉暗奔瀑危梁慮足跌峻
坂憂車覆問我何以然前日受微祿轉知人代事纓組乃
微東向若家居時安枕春夢熟遵途稍已近候吏來相續
曉霽心始安林端見初旭

亂後經淮陰岸

朱放

荒村古岸誰家在野水溪雲處處愁唯有河邊衰柳樹蟬
聲相送到揚州

旅泊江津言懷

賈琮

征途幾迢迢客子倦西東乘流如泛梗逐吹似驚蓬飄颻
萬里外辛苦百年中異縣心期阻他鄉風月同雲歸全嶺
暗日落半江紅自然堪迸淚非是泣途窮

晚投南村

衛葉

客行逢日暮原野散秋暉南陌人初斷西林鳥盡歸暗蓬
沙上轉寒葉月中飛村路無多在聲聲近擣衣

南州行

余延壽

搖艇至南國國門連大江中州兩岸邊數步一垂楊金釧
越溪女羅衣胡粉香織縑春卷縵採蕨暝提筐弄琴嬌垂
幌迎人笑下堂河頭浣衣處無數紫鴛鴦

過擔石湖

竇叔向

曉發漁門戍晴檐看石湖日銜高浪出天入四空無尺寸
分洲島織毫指舳舻渺然從此去誰念客帆孤

夜渡淮

閻丘曉

舟人自相報落日下芳潭夜火連河市春風滿客帆水窮
滄海畔路盡小山南且喜鄉園近言榮意未甘

揚子途中

柳中庸

楚塞望蒼然寒林古戍遶秋風人瘦水落日鴈飛天

江行

前人

繁陰乍隱洲落葉初飛浦瀟湘集作蕭蕭楚客帆暮入秋江雨

出峽

胡皓

巴東三峽盡曠望九江開楚塞雲中出荆門水上來魚龍
替嘯雨息鴈動成雷南國秋風晚客思幾悠哉

出東城

劉復

步步東城門獨行已傍徨伊洛泛清流密林含朝陽芳景
雖可矚懷憂在中腸人生幾何時苒苒隨流光願得心所
親樽酒座高堂一為浮沉隔會合殊未央雙戲中水鳧和
鳴自翱翔我無此羽翼安可以比方

經楚城

前人

日没路且長遊子欲涕零荒城無人路秋草飛寒螢東南

古丘墟莽蒼馳郊垌黃雲晦繼岸枯井臨崩亭昔人竟何
之窮泉獨冥冥蒼苔没碑板朽骨無精靈俛仰寄世間忽
如流波萍金石非汝壽浮生等臊腥不如學神仙服食一作藥
求丹經

夕次襄邑

釋清江見高僧詩

何處成吾道經年遠路中客心猶向北河水自歸東古戍
鳴寒角踈林振夕風輕舟唯載一作雖有月那與故人同

自青山詣於潛道中作呈元八居士已見二百三十卷釋靈一

早發破訥砂見二百九十九卷李益

晚次巴陵 招水集作邀水山神集作江神風來集作李端

雪後柳條新巴陵城下人烹魚招水客載酒奠山神雲去
低斑竹風來動白蘋不堪逢楚老日暮正江春

晚疑作曉發瓜洲無船集作無壘南岸集作高岸前人

曉發悲行客停撓獨未前寒江半有月野戍漸無船掉唱
離南岸鴻嘶發遠田誰知避徒御對酒一潸然

新安江行後篇 行亭

章八元見中興 間氣集

江源南去永野飯暫維捐古戍懸魚網空林路鳥巢雪晴
山脊見沙淺浪痕交自笑無媒者逢人作解嘲

此詩三百十五卷重出今已削去

益昌行并序

毆陽詹

貞元中天子以工部郎中興元少尹吳興陸沈集作公長源

牧利州其為政五年予旅遊由于利觀人安俗阜欽所以

美作詩一章利故益昌郡也目之曰益昌行

驅馬至益昌倍驚風俗和耕夫隴上謠負者途中歌處處

川復原重重山與河人煙遍餘田特稼無閑坡問業一何

脩太守德化加問身一何安太守恩懷多賢哉我太守在

古無以過愛人甚愛身集作子治郡如治家集作理邦 如理家雲雷

既奮騰草木遂萌芽乃知良二千足得集作德足為國華今時

故集作固精求漢帝非徒嗟四氣有青春衆植佇揚葩期當

作說霖天下同霽電以下三篇並見集本

自懷州却赴洛途中作

前人

惆悵策瘦馬孤蓬被風吹昨東今又集作與西冉冉長路歧

歲晚樹無葉夜寒霜滿枝旅集作依人恒苦辛冥冥天何知

晨裝行

前人

村店天西出集作入山枝鴉鳩聲永集作求燈徹夜席東囊事

晨征寂寂人尚眠悠悠天未明豈無偃息心所務前有程

新都行

前人

縹緲空中絲蒙籠道旁樹翻茲葉間吹惹彼花上露悠揚

絲意去萼弱花枝住何計脫纏綿天長春日暮

晚泊江口

韓愈

郡城朝解纜江岸暮依村二女竹上淚孤臣水底魂雙雙
歸鰲驚一一叫羣猿迴首那能語空看別袖翻以下四篇並見集本

次弄

集作巫

冠峽

一作同冠峽

前人

今日是何朝天晴物色饒落英千尺墮遊絲百枝飄世乳
交巖脉懸流揭浪標無心思嶺北猿鳥莫相撩

同李二十八夜次襄城

前人

周楚仍連接川原乍屈盤雲垂天不暖塵漲雪猶乾印綬
歸台室旌旗別將壇欲知迎候盛騎火萬星攢

次硤石

前人

數日方離雪今朝又出山試憑高處望隱約見潼關

晚泊牛渚

劉禹錫

蘆葦晚風起秋江鱗甲生殘霞忽改色遠鴈有餘聲戍鼓

音響絕漁家燈火明無人能詠史獨自月中行

以下四篇並見集本

途中早發

前人

中庭望啓明促促事晨征寒樹鳥初動霜橋人未行水流
白烟起日上綵霞生隱士應高枕無人問姓名

初至長安時自外郎再授郎官

前人

左遷九二紀重見帝城春老大歸朝客平安出嶺人每行
經舊處却想似前身不改南山色其餘事事新

秋江早發

前人

輕陰迎曉日霞霽秋江明草樹含遠思襟懷有餘清凝睇
萬象起即吟孤憤平渚鴻未矯翼而我已遐征因思市朝
人方聽晨鷄鳴昏昏戀衾枕安見元氣英納爽耳目變詭
竒筋骨輕滄洲有竒趣浩蕩吾將行

并州路作

李宣遠

秋日并州道黃榆落故關孤城吹角罷數騎射鵬還帳幕
遙臨水牛羊自旁山行人正垂淚烽火起雲間

遠遊

孟郊

慈烏不遠飛孝子念先歸而我獨何事四時心有違江海
戀空積波濤信來稀長爲路傍客集作食着盡家中衣別劍不
割物離人難作威遠行少僮僕驅使無是非爲長集作性玩
好盡積愁心緒微始知時節駛夏集作愛日非長暉以下四篇並見集本

夢澤中行

前人

楚山爭蔽虧白日無全輝楚路多集作饒迴惑旅人有迷歸
騏驥思北首鷓鴣願南飛我懷京洛遊未厭風塵衣

渭上思歸

前人

獨訪千里信迴臨千里河家在吳楚鄉淚寄東南波
過分水東嶺

前人

山壯馬力短馬

集作路

行石齒中十步九舉轡迴環失西東

溪水變爲雨綠

集作懸

崖陰濛濛客衣飄颻秋葛花零落風

白日捨我没征途忽然窮

道州途中即事

呂溫

零桂佳山水營陽舊自同經途看不暇遇境說難窮疊障
青時合澄湘漫處空舟移明境裏路入畫屏中巖壑千家
接松蘿一逕通漁燈集作煙生縹緲犬吠隔葱籠戲鳥留餘
翠幽花恹晚紅光翻沙瀨日香散橘園風信美非吾土分
憂屬賤躬守愚資地僻卹隱望年豐且保心能靜那求政
必工課終如免戾歸養洛城東

經河源軍漢村作

前人

行行忽到舊河源城外千家作漢村樵採未侵征虜墓耕
耘猶就破羌屯金湯天險長全設伏臘華風亦暗存暫駐

單車空下淚有心無力復無何集作言

江行夜投漁家前篇作宿漁家已見二百七卷

張籍

路遠前篇作路暗

薊北春思集作懷

前人

渺渺水雲外望來鄉集作來別音信稀因逢過江使却寄在家

本問路更愁遠送人空說歸今朝薊城北又見塞鴻飛

舟行重寄李湖州已見二百五十九卷

前人

宿江店

前人

野店臨寒集作西浦門前有橘花停燈待賈客賣酒與漁家

夜靜江水白路迴山月斜閑尋舟泊集作泊船處潮落見平沙

夜入瞿塘峽白居易

瞿塘天下峻夜上信艱哉峯似雙屏合天如疋練開逆風

驚浪起拔蒼暗船來欲識愁多少高於灩澦堆以下六篇並見集本

途中感秋

前人

節物行搖落年顏坐變衰樹初黃葉日人欲白頭時鄉國

程程遠親朋處處辭唯殘病與老一步不相離

途中作

前人

早起上肩擗一盃平旦醉晚憩下肩擗一覺殘春睡身不

經營物心不思量事但恐綺與紉只如吾氣味

曰口阻風十日

前人

洪濤波集作白浪塞江津處處遭迴事事延世上方為失途

客江頭又作阻風人魚鰕遇雨腥盈臯蛟蚶和煙養滿身

老大光陰能幾日等閑曰口坐經旬

九江北岸遇風雨已見一百六十二卷

前人

初出藍田路

前人

停驂問前路路指集作在秋雲裏蒼蒼縣南山集作道險集作去途從

此始絕頂忽盤上衆山皆下視下視千萬峯峯頭如浪起
朝經韓公坂夕次藍橋水潯陽近集作四千始行七十里
人煩馬蹄阻勞苦又集作如此

文苑英華卷第二百九十三

登仕郎胡柯鄉貢進士彭

叔夏

校正

文苑英華卷第二百九十四

詩一百四十四

行邁六

李紳二首

姚合一首

袁不約一首

朱慶餘一首

于武陵六首

賈島四首

釋無可一首

劉得仁一首

溫庭筠四首

方干四首

李洞二首

杜牧六首

許渾六首

雍陶二首

李商隱三首

薛逢一首

姚鵠一首

項斯一首

趙嘏七首

馬戴一首

顧非熊三首

薛能五首

李羣玉一首

張祜三首

過鍾陵

余長慶三年除江西觀察使奉詔不之任

李紳

龍沙江尾抱鍾陵水郭津橋晚景澄江對楚山千里月郭
連漁浦萬家燈省拋雙旆辭榮寵遽落丹青起愛憎惆悵
舊遊同草露却思恩願一沾膺

初出淝口入淮

前人

東風五日雪初晴淝口冰開好濯纓野老擁途知意重病
夫拋郡喜身輕人心莫厭如弦直淮水長憐似鏡清迴首
夕嵐山翠遠楚郊煙樹隱衰一作憶城

客行

姚合

客行無定處多在路岐間馬是賒來貴僮緣倩得頑詩書
愁觸雨店舍喜逢山舊業嵩山下三年不得還

離家

袁不約

步步遠晨昏悽心出里

集作獨出

門見烏唯有淚看

集作問

鴈更傷

魂宿酒寧辭

集作添愁

醉迴書諱苦言野人應恠笑不解愛田

集作樂丘園

嶺南路

朱慶餘

越嶺向南風景異人人傳說到京城經冬來往不踏雪盡
在刺桐花上行

南遊

于武陵

窮秋幾日雨處處生蒼苔舊國寄書後涼天逢鴈來露繁
山草濕洲暖水花開去盡同行客一帆猶未迴

南遊有感

前人

杜陵無厚業不得駐車輪重到曾遊處多非舊主人東風
千里樹西日一洲蘋又瘦湘江水湘江水復春

西歸

前人

不擊與舟閑悠悠吳楚間
羞將新白髮却到舊青山
一葉忽離樹幾人同入關
長安有家住秋至又西還

早春山行

前人

江草暖初綠鴈行皆北飛
異鄉那久客野鳥尚思歸
十載過如夢素心應已違
行行家漸遠更苦得書稀

客中

前人

楚人歌竹枝遊子淚沾衣
異國久爲客寒霄頻夢歸
一封書未返千樹葉皆飛
南過洞庭水更應消息稀

夜泊湘江

前人

北風吹楚樹此地獨先秋
何事屈原恨不隨湘水流
涼天生半月竟夕伴孤舟
一作南行客無成空白頭

旅遊

賈島

此心非一事書札若爲傳
舊國別多日故人無少年
空巢

霜葉落踈牖水螢穿留得林僧宿
中宵坐默然

以下四篇並見集本

早行

前人

早起赴前程鄰鷄尚未鳴
主人燈下別羸馬月中行
踏石新霜滑穿林宿鳥驚
遠山動鍾後曙色漸分明

巴興作

前人

三年未省聞鴻叫臘月何曾見
草枯寒暑氣均思白社星
辰位正憶皇都蘇卿持節中
還漢葛相行師自度瀘鄉味
朔山林果別北歸期挂海帆孤

上谷旅遊

集作夜

前人

世難那堪恨旅遊龍鍾更是對窮秋
故園千里數行淚隣杵一聲終
夜愁月到寒窻空皓晶風翻落葉更颼颼
此心不向常人說倚識平津萬戶侯

行漢水晚次神灘阻風

釋無可

驚風山半集作起舟子忽停橈岸荻吹先亂灘波落更跳
聽松今欲暮過島或明朝若盡平生趣東浮看石橋

早行

劉得仁

萬類半已動此心寧自安月沉平野盡星隱曙空殘馬度
橫流廣人行甚霧寒還思猶夢者不信早行難

商山早行

溫庭筠

晨起動征鐸客行悲故鄉鷄聲茅店月人跡板橋霜槲葉
落山路枳花明驛牆因思杜陵夢鳧鴈滿迴塘以下四篇並見集本

利州南渡

前人

澹然空水帶斜暉曲島蒼茫接翠微波上馬嘶看棹去柳
邊人歇待船歸數蘂沙草群鷗散萬頃江田一鷺飛誰解
乘舟尋范蠡五湖煙水獨忘機

經五丈原

前人

鐵馬雲鵬共集作絕塵柳陰高厭漢宮集作春天清殺氣
叱關右夜半妖星照渭濱下國臥龍空寤主中原得集作
庶不由人象床錦集作帳無言語從此譙周是老集作臣

過分水嶺

前人

溪水無情似有情入山三日得同行嶺頭便是分流處惜
別潺湲一夜聲

旅次錢塘

方干

此地似鄉國堪為終日集作吟雲藏吳相廟樹引越山禽
朝去集作海人散鍾遲秋寺深我來無舊識誰見寂寥心

金州客舍

前人

卷箔雲集作峯暮蕭條未掩關江流嶓冢雨帆集作入漢
陰集作山落葉歌眠後孤砧倚望間此情偏耐醉難遣酒

壘閣

東陽道中作

前人

百花香氣傍行人
花底垂鞭日易曛
野火不知寒食節
穿林轉壑自燒雲

河陽道中

李洞

衝風仍躡凍提轡
手頻呵得事應須
早愁人不在多雪
田平入塞烟郭曲
隨何翻憶江濤裏
船中睡蓋蓑

蕃寇侵逼南陽道中

前人

雲陽三萬騎南赴
疾飛鷹迴磧星低
鴈孤城月伴僧敲
關通漢節傾府守
河冰無處論邊事
歸溪夜結罾

蜀中

前人

遊子去遊多不歸
春風酒味勝餘時
閑來即伴巴兒醉
豈菟花邊唱竹枝

途中作

杜牧

綠樹南陽道千峯
勢遠隨碧溪風慢

集作

熊芳樹雨餘姿

野渡雲初暖
征人袖半垂
殘花不一醉
行樂是何時

以下六篇並見集本

泊秦淮

前人

煙籠寒水月籠沙
夜泊秦淮寄

集作

酒家商女不知亡國
恨隔江猶唱後庭花

秋浦途中

前人

瀟瀟山路窮
秋雨浙浙溪風一
岸蒲爲閭寒沙新
到鴈來時還下杜
陵無

汴河阻凍絕句

前人

千里長河初凍時
玉珂瑤珮響參差
浮生一

集作

似冰底

春盡途中

前人

水日夜東流
自

集作

不知

田園不事來遊官故國誰教爾別離獨倚關亭還把酒一
年春盡送春時

自宣城赴官上京

前人

瀟灑江湖十過秋酒盃無日不封侯集作遲留謝公城畔溪驚
夢蘇小門前柳拂頭千里雲山何處好幾人襟韻一生休
塵冠挂却知閑事終把蹉跎訪舊遊

南遊泊松江渡

許渾

漠漠故宮地月涼風露幽鷄鳴荒戍曉鴈過古城秋揚柳
北歸路蕪葭南度舟去鄉今已遠更上望京樓以下六篇並見集本

洛陽道中

前人

洛陽多舊跡一日幾堪愁風起林花晚月明陵樹秋興亡
不可問自古水東流

晚泊七里灘

前人

天晚日沉沉歸船集作舟繫柳陰江村平見寺山郭遠聞砧

樹密猿聲響波澄鴈影深榮名集作華暫時事識誰子陵心

晚發

集作曉

發鄆江渡寄韓訢

集作崔韓二先輩

前人

南北信多歧生涯半別離地窮山盡處江泛月集作水寒時

霧晚集作露曉集作曉蕪葭重霜晴橘柚垂無勞促迴棹千里有歸心集

作期

曉發天井關寄李師晦

前人

山在水滔滔流年欲二毛湘潭歸夢遠燕趙客程勞露曉
紅蘭重雲晴碧樹高逢秋正多感萬里別同袍

早發洛中次甘水

前人

帶月飯行侶西遊關塞長晨鷄鳴遠戍宿鴈起寒塘雪集作雲
卷四山雪霜集作風疑千樹霜停驂一迴首隱隱見嵩陽

蜀路倦行因有所感

雍陶

亂峯碎石金牛路過客應騎鐵馬行白日欲斜催後乘青
雲何處問前程飛蠅一一皆先去度鳥雙雙亦遠鳴蹇步
不唯傷旅思此中兼見官途情

到蜀後記途中經歷

前人

劍峯重疊雪雲漫憶昨來時處處難大散嶺頭春足雨
斜谷裏夏猶寒蜀門去國三千里巴路登山八十盤自到
成都燒酒熟不思身更入長安

昭州

李商隱

桂水春猶早昭州日正西虎當官渡集作路鬪猿上驛樓啼
繩爛金沙井松乾乳洞梯鄉音呼集作吁可駭仍有酒集作醉
如泥

商於

前人

商於朝雨霽歸路有秋光背塢猿收果投巖麝退香建瓴

真得勢橫戟豈能當割地張儀詐謀身綺季長清渠州外
月黃葉廟前霜今日看雲意依依入帝鄉

東還

前人

自有仙才自不知十年長夢採華芝秋風動地黃雲暮歸
去嵩陽尋舊師

薛逢

曉發

姚鵠

旅行宜早發況復是南歸月影緣山盡鍾聲隔水微殘星
螢共失落葉鳥和飛去去渡南曉村中人出稀

曉發昭應

項斯

行人見雪愁初作帝京遊
店開偏早鄉魂去未收
燭殘催卷席手冷怕梳頭
是物寒無色湯泉祇自流

經無錫縣醉後吟

趙嘏

客過無名姓偏舟繫柳陰
窮秋南國淚殘日故鄉心
京洛衣塵在江湖酒病深
何須覓陶令乘醉自橫琴

東歸道中二首

前人

平生事行役今日始知非
歲月老將至江湖春未歸
傳家有天爵主祭用儒衣
何必勞知己無名亦息機

二

未明喚僮僕江上憶殘春
風雨落花夜山川驅馬人
星星一境髮草草百年身
此日念前事滄洲情更親

旅次商山

前人

役役依山水何曾似問津
斷崖如避馬芳樹欲留人
日夕

猿鳥伴古今京洛塵一枝
甘已失辜負故園春

集作惆悵故園春一

發剡中

武德中置嵯州

前人

正懷何謝俯長流更覽餘
封識嵯州樹色老依官舍
曉溪聲涼傍客衣秋南巖
氣爽橫郭郭天姥雲晴拂
寺樓日暮不堪還上馬
蓼花風起路悠悠

江行

絕句詩選作西江

晚泊

前人

茫茫靄靄失東西柳浦桑
村處處同戍鼓一聲帆影
盡水禽飛起夕陽中

度商山

晚靜

集作淨

前人

和如春晚靜如秋五月商
山是勝遊當晝火雲生不
得一溪分作萬重流

夕發邠寧寄舒從事半酣走白馬

又玄集作飲

馬戴

半酣走白馬別後所鎖邊城
日落月未上鳥棲人獨行方

馳故國戀復愴長年情人夜不能息何當闕此生

夜下前篇入湘中見一百六十四卷前人

入夜別前篇鳴棹下前篇嘶鴻前篇行植前篇

客行 前人

路歧長不盡客恨杳難通蘆葉曉一作汀雨柳花南浦風

亂鍾鳴鳥嘶一作馬急殘日半帆紅却羨漁樵侶閑歌谿谷中

旅次夏州 前人

嘶鴻發相續行次夏王臺鎖卻雲陰暮鳴笳燒色來霜繁

邊上宿鬢改積中迴悵望湖沙曉驚蓬朔吹催

夕次淮口 前人

天涯孤光盡木末群鳥還夜久遊子息月明歧路闕風生

淮水上帆落楚雲間此意竟誰見行行悲故關又玄集作非故關

早登故山作 前人

雲門夾峭石石路蔭長松谷響猿相應山深水復重倉霞

人不見採藥客猶逢獨宿靈潭側時聞岳頂鍾

江行 前人

吳楚半秋色渡江逢蓂花雲侵帆影盡一作落風逼鴈一作鳥

行斜赤燒開峰翠一作開寒潮蕩一作漾浦沙余將何住

海一作何孤嶠擬一作欲營家

此詩二百八十八卷重出今已削去注異同為一作

早發故園 前人

論別在中夜登車離故鄉曙鍾寒出岳殘月迴凝霜風篠

條多折沙雲氣盡黃行逢海西鴈零落不成行

經杭州 顧非熊

郡郭遠江濱人家近白雲晚濤臨檻看夜舫隔城浦聞轉

山初盡虹斜雨未一作半分有誰知我意心緒逐鷗羣

秋日陝州道中作

前人

孤客秋風裏驅車出陝西關河午時路村落一聲鷄樹勢
標秦遠天刑到岳低誰知我名姓來往自淒淒

經河中

前人

一望蒲城路關河氣象雄樓臺山色裏楊柳水聲中思起
懷吳行客斜向磧鴻我來尋古跡唯見舜祠一作風

分水嶺望寶

薛能

勞集作千尋萬仞峯靈寶號何從盛立同吾道貪程阻聖蹤
嶺奇應有藥壁峭盡無松那得休於市集作是蹉跎亦卧龍

以下五篇並見集本

初發嘉州寓題

前人

勞我是捷為南征又北移唯聞杜鵑夜不見海棠時在閣
曾無負含靈合見集作有知州人若愛樹莫損邵南詩

彭門道中作

前人

嗚嗚吹角二師營日落身閑笑傲行盡覺文章尊萬事却
嫌官職剩雙旌終休未擬降低屈遇便還須致太平頻向
水樓誰會我泗濱浮磬好同聲

將赴鎮過太康縣有作

前人

纔入東郊便太康自聽何暮豈龔黃晴村透日桑榆影晚
雲濕秋禾黍香十萬旌旗移巨鎮二三輓輓負孤莊時人
欲識征東將看取攬槍落大荒

襄斜道中作

前人

十驛衰斜道處慵眼前常似接靈蹤江遙放詩選入傍來
水山豁猶藏向後峯鳥徑惡時應立虎奮田閑日自燒松
行吟却誚公車使詩選作役夜發星馳半不逢

雲安

李群玉

灘惡黃牛吼城孤白帝秋水寒巴字急歌迴竹枝愁樹暗
荆王館雲昏蜀客舟瑤姬不可見行雨在高丘

旅次石頭岸

張祐

行行石頭岸身事兩相違舊國日邊遠故人江上稀水聲
寒不盡山色暮相依惆悵未成語數行鷗又飛以下三篇並見集本

江上旅泊

集作江南作江

前人

楚塞南行久秦城北望遙少年花已過衰病柳先彫客淚
收迴日鄉心寄落朝殷勤問春鴈何處是煙霄

將之衡陽道中作

前人

萬里南方去扁舟泛自一作自身長年無愛物深話少情人
醉卧襟長散開書字不真衡陽路猶遠獨與鴈為賓

文苑英華卷第二百九十四

登仕郎胡柯鄉貢進士彭叔夏校正

文苑英華卷第二百九十五

詩一百四十五

行邁七

劉駕二首

李頻三首

劉滄二首

喻坦之四首

陳陶八首

楊夔一首

許崇五首

司馬圖四首

鄭谷六首

崔塗四首

張喬六首

羅鄴四首

杜荀鶴五首

王貞白二首

曹松五首

羅隱七首

裴說四首

早行

劉駕

馬上續殘夢馬嘶時復驚心孤多所虞僮僕近我行棲禽

未分散落月照古城莫羨閑居者溪邊人已行

出門

前人

出門羨他人奔走如得途翻思他人意與我或不殊以茲
聊自安默默行九衢生計逐羸馬每出似移居有從我鄉
來但得隣里書田園幾換主夢歸猶荷鋤進猶希萬一退
復何所如況今關公道安得不躊躇

初離黔中泊江上

李頻

去去把青桂平生心不違更蒙蓮府辟兼脫布衣歸碧岫
明殘雪清波漾落暉無窮鷗鳥興日起掉前飛

八月峽石一作作

前人

萬里西南水秋來滿峽流亂山無陸路行客在孤舟
灘聲惡冥冥樹色秋免為三不弔終白一生頭

黔中罷職泛江東

前人

黔中初罷職薄俸亦無殘舉目鄉關遠携家旅食難野梅
將雪競江月與沙寒兩鬢愁應白何勞把鏡看

早行

劉滄

旅途乘早起一作景策馬獨悽悽殘影郡樓月一聲關樹鷄
聽鍾煙柳問外瘦水雲西當自勉行役鍾朝疑作功業齊

秋月旅途即事

前人

驅羸多自感煙草遠郊平鄉路幾時進旅人終日行渡邊
寒水驛山下夕陽城蕭索更何有秋風向鬢生

大梁道別見二卷八

喻坦之

發浙江

前人

島嶼遍含煙煙中濟大川山城猶轉漏沙浦已搖船海曙
霞浮日江遙水合天此時空閣思翻想涉窮邊

晚泊盱眙

前人

廣葦夾深流蕭蕭到海秋宿船橫月浦驚鳥遶霜洲雲濕
淮南樹笳清泗上樓徒懸向國思羈跡尚東遊

東一作春歸江南

前人

歸日值江春看花過楚津草晴蟲網遍沙曉浪痕新蓮葉
初浮水鷗鷄已狎人漁心慙未遂空厭路歧塵

早發始興

陳陶

雲裏山色曙舟中火初熨綠浦待行撓玄猿催落日沿流
信多美况復秋風發掛席借前期晨鷄莫朝啗

清源途中旅思

前人

古木閩州道驅羸落照間投村礙野水問店隔荒山身事
幾時了蓬飄何日閑看花滯南國鄉月十彎環

齊浙江見一百六十二卷

前人

番禺道中作

前人

博羅程遠近海塞愁先入瘴雨出虹蜺蠻江度山急常聞
島夷俗犀象滿城邑鴈至草猶春朝迴檣半濕丹丘鳳凰
隱水廟蛟龍集何處樹能言幾鄉珠是泣千年趙佗國霸
氣委原隰齷齪笑終軍長纓禍光及

鍾陵道中作

前人

原隰詩人蕙草黃塞鴻消息怨流芳秋山落照見麋鹿南
國異花開雪霜煙火近通繁瓠俗水雲深入武夷鄉曾逢
齧缺話東海長憶蕭家青玉床

旅泊途疑江

前人

煙雨南江一葉微松潭漁父夜相依斷沙鴈起金精出孤
嶺猿愁木客歸楚國柑橙勞夢想舟陵霞鶴聞音徽無因
得似滄溟叟始憶離巢已倦飛

上建溪

前人

崆峒一派瀉蒼煙長揖丹丘逐水仙雲樹杳冥通上界峯
巒迴合下閩川侵星愁過蛟龍國採碧時逢婺女船已判
猿催鬢先白幾重灘瀨在秋天

冬暮旅泊廬陵

前人

螺亭倚棹哭飄蓬白浪浸船自向東楚國蕙蘭增悵望
番禺筐篚旋虛空江城雪落千家夢汀渚冰生一夕風
葉置侯鯖任霸東不勞龜瓦問蒙疑通

寧州道中

楊夔

城枕蕭關路胡兵日夕臨唯憑一炬火以慰萬人心春老
霜猶重沙寒草不深如何驅足馬向此獨閑吟

早發洛中

許棠

昨夜別清洛不知過石橋雲增中岳大樹隱上陽遙塹黑
初沉月河鳴欲認潮孤村人尚夢無處暫停鑣

客行

前人

日日唯草草此生誰我同故園菟夢外長恨別離中人事
萍隨水年光鳥過空欲吟先落淚多是怨途窮

鷓陰道中

前人

五月綏州北途程少鬱蒸馬依羶草聚人抱濁河澄
水甕澄疆固長城壘寃深太子陵往來經此地悲苦有誰能

過湍浦合

前人

西去窮湖處巖崖境不常石形相對聳天勢一條長棧底
鳴流水林端歛夕陽雖隨兵馬至未免畏豺狼

春日烏延道中

前人

窮邊厄未窮復此逐歸鴻去路多相似行人半不同山川
藏北狄草木背東風虛負男兒志無因立戰功

江行二首

司空圖

地閣分吳塞，楓高映楚天。迴塘春盡雨，方響夜深船。行紀
添新夢，羈愁甚。往年何時京洛路，馬上見人煙。

二

初程風信好，迴望失津樓。日帶潮聲晚，烟含楚色秋。戍旗
當遠客，島樹轉驚驅。此去非名利，孤帆任白頭。

浙上二首

前人

華下支離已隔河，又來此地避干戈。山田漸廣猿時到，村
舍心添鷺亦多。丹桂石楠宜並長，秦雲楚雨暗相和。兒童
粟疑熟迷歸路，歸得仍隨牧豎歌。

二

西北鄉關近帝京，煙塵一片正傷情。愁看地色連空色，靜
聽歌聲似哭聲。紅蓼遮村人不在，青山遶檻路難行。從他
煙棹更南去，休向津頭問去程。

潼關道中

鄭谷

白道曉霜迷，離燈照馬嘶。秋風滿關樹，殘月隔河雞。來往
非無倦，窮通豈易齊。何年歸故社，破雨剪春畦。以下六篇
並見集本

江行

前人

漂泊病難任，逢人淚滿襟。關東多事日，天末未歸心。夜雨
荆江闊，集作漲春雲郢樹深。殷勤聽漁唱，漸漸入吳音。

舟行

前人

九派迢迢九月殘，舟人相語且相寬。村逢好處嫌風便，酒
到醒來覺夜寒。蓼水白波喧夏口，柿園紅葉憶長安。季鷹
可是思鱸膾，引退自知時所難。集作知時
自古難

遊蜀

所向明知是暗投，兩行清淚語前流。雲橫新塞一作塞遮秦
甸，花落空山入閬州。不分黃鸝驚曉夢，唯應集作悲杜宇信

集作起

春愁梅青麥綠無歸處可得漂漂愛浪遊

倦客

前人

十年五年岐路中千里萬里西復東
足馬愁衝晚曉集作村雪孤舟悶阻春江風達士由來知道在昔賢何必哭途窮
閑烹蘆笋炊菰米會向漁鄉作醉翁

下峽

前人

憶子啼猿遶樹哀雨隨孤棹過陽臺
波頭未白人頭白瞥見春風艷潏堆

商山道中

崔塗

一日又將暮一年看即殘病知新事少老別故人一作交難
山盡路猶險雨餘春却寒那堪更迴首烽火是長安

夕次維揚道中

前人

秋風吹故城城下獨吟行高樹鳥已息古原人齒耕流年

川暗度往事月空明不復嘆岐路馬前塵夜生

巴山道中除夜書懷

前人

迢遞三巴路羈危萬里身亂山殘雪夜孤燭異鄉春漸與
骨肉遠轉於僮僕親那堪正漂泊明日歲華新

途中懷感

前人

久客厭岐路出門吟且悲平生未到處落日獨行時
芳草長不綠故人無重期那堪更南度鄉國已天涯

商山道中

張喬

春去計秋期長安在夢思多逢山好處少值客行時雲起
爭峯勢花交隱澗枝停驂一惆悵應祗嶺猿知

荆楚道中

前人

前程曾未到岐路擬何為返照行人急荒郊去鳥遲
春宵多秣夢閨夏遠相期處處牽愁緒無窮是柳絲

江行

前人

江風木落天行子感流年萬里波連蜀三更雨到船夢殘
燈影外愁積葦蕩邊不是貪名利家無負郭田

吳江旅次

前人

行人愁落日去鳥倦遙林曠野鳴流水空山響暮砧旅徒
歸計晚鄉樹別年深寂寞逢村酒漁家一醉吟

東歸有感

前人

東風搖衆木即又見花期紫陌頻來日滄江獨去時
因兵役苦家爲海翻移未老多如此那堪鬢不衰

宿昭應

前人

夜憶開元事淒涼里巷間薄煙通魏闕明月照驪山
半壁空宮閉連天白道閑清晨更迴首猶向霸陵還

巴南旅泊

羅鄴

巴山慘別魂巴水徹荆門此地若重到居人誰復存
落帆紅葉渡駐馬白雲村却羨南飛鴈年年到故園

東歸

前人

日日惟憂行役遲東歸可是有家歸都緣桂玉無門住
不第山川去路非秦樹夢愁黃鳥轉吳江鈎重一作錦鱗肥
桃夭杏艷清明近惆悵當時意兩違

早發

前人

一點殘燈魯酒醒已携孤劍事離情集作程愁看飛雪聞雞
後獨向長空背鴈行白草近關微有路濁河連底凍無聲
此中來往本迢遞况是驅羸客塞城

行次

前人

終日長程復短程一山行盡一山青路傍君子莫相笑天
上由來有客星

秋江集作晚泊

杜荀鶴

一望一蒼然蕭騷起暮天遠山橫落日歸鳥度平川家是
去年別月當今夜集作夕圓漁翁似相伴徹曉蓑蓑邊

秋日旅中集作病

前人

浮宦集作世浮名能幾何致身流落向天涯少年心壯輕為

客一日病來思在家經雨凍蟬隨葉墮過湖秋鴈趨雲一作風

斜前程雖有投人處爭柰鄉關日漸賒集作古木渡頭新鴈下

平沙不堪吟罷西風起黃葉滿庭寒日斜

早發

前人

東窻未明塵夢蘇呼僮結束登征途落葉鋪霜馬蹄滑寒
猿哭月人心孤時送集作逆帽簷風刮項旅呵鞭手凍粘鬚

青雲快活一未見爭得安閑釣五湖

舟行即事

前人見集本

年少鬚鬚雪欲侵別家三日幾般心朝隨買客憂風色夜

逐漁翁宿蓆林秋水鷺飛紅蓼晚暮山猿叫白雲深重陽

酒熟茱萸紫却向江頭倚棹吟

春日行錢次塘却寄台州姚中丞

前人

豈謂無心求上第難安帝里為家貧江南江北開為客潮
去潮來老却人兩岸雨收鷺語柳一樓風滿角吹春花前
不獨垂鄉淚曾作集作是朱門寄食身

曉泊漢陽渡

王貞白

落月臨古渡武昌城未開殘燈明市井曉色辨樓臺雲自
蒼梧去水從嶠冢來芳洲號鸚鵡用記禰生才

隨計

前人

徒步隨計吏辛勤鬚易凋歸期無定日鄉思羨迴潮冒雨
投前驛侵星過斷橋何堪穆陵路霜葉更蕭蕭

南遊

曹松

直道南箕下方諸一作諸漲海頭君恩過銅柱戎節限交州
犀占花陰卧波銜瘴色流遠夷君一作非不樂自是北人愁

荆南道中作

前人

十月荒郊雪氣催依稀愁色認陽臺遊秦分繫三條燭出
楚心殊一寸灰高柳莫遮寒月落空桑不放夜風迴如何
住在猿聲裏却被蟬吟引下來

嶺南道中

前人

百花成實未成歸未必歸心與志違但有壺觴資逸詠盡
交風景入清機半川陰霧藏高木一道晴蛻雜落暉遊子
馬前芳草合鷓鴣啼歇又南飛

春日自吳門之陽羨道中書事

前人

勝異恣遊應未遍路收猶去幾時還浪花湖閣虹蜺斷柳

線柯深鳥雀閑千里綺羅浮畫楫兩州絲竹會茶山眼前
便是神仙事何必須言洞府間

將入關行次湘陰

前人

背顧秦城在何處圖書作伴過湘東神鷄亂噪黃陵近候
鴈斜沈夢澤空打柁天連晴水白燒田雲隔夜山紅也知
漸老巖棲穩爭奈文闈有至公

南康道中

羅隱

弱冠負文翰此中聽鹿鳴使君延上榻時輩仰前程丹桂
竟多故白雲空有情唯餘路旁淡沾灑向塵纓

西上集作所思

前人

西上青雲未有期東浮滄海一集作去何遲酒闌夢覺不稱
意落花月明空所思長恐老集作病侵多病集作事日可堪忙
過少年時鬪雞走狗五陵道惆悵輸他輕薄兒以下六篇並見集本

過廢江寧縣

王昌齡曾尉此縣

前人

縣前水色細鱗鱗一爲夫君弔水濱
謾把文章矜後代可和榮貴是他人
鷲偷舊韻還成曲草賴餘吟盡解春
我亦有心無處說等閑停棹似迷津

東歸途中作

前人

松橘蒼黃覆釣磯早年生計近年違
老知風月終堪恨貧覺家山不易歸
別岸客帆和鴈落晚程霜葉向人飛
買臣嚴助精靈在應笑無成一布衣

金陵夜泊

前人

冷煙輕澹傍衰藜此夕秦淮駐斷蓬
栖鴈遠驚沽酒火亂鷄高避落帆風
地銷王氣波聲急山帶秋陰樹影空
六代精靈人不見思量應在月明中

東歸

前人

仙桂高高似有神貂裘弊盡取無因
只集作唯將白髮期公道不覺丹枝屬
別人雙闕住來慙聘集作請謁五湖歸後耻
交親盈盤紫蟹千卮酒添得臨歧淡滿中

早行

集作早發

前人

北去南來無定居此生計竟何如
酷憐一覺平明睡長被隣雞集作雞聲惡破除

過洞庭湖

將情賴

集作情無賴

裴說

浪高風力大挂席亦言遲及到堪憂處
爭如未濟時魚龍深莫測雷雨動須疑
此際將情賴何門寄所思

旅行聞寇

前人

動步憂多事將行問四隣深山不畏虎
當路却防人豪富田園廢疲羸屋舍新
自慙爲旅客無計避煙塵

旅中作

其如

集作甘新

前人

妄動遠拋山其如餒與寒投人言去易開口說貧難澤國
雲千片湘江竹一竿明時未忍別猶待計窮看

旅次衡陽

前人

欲往幾經年今來意豁然江風長借客岳雨不因天戲鷺
飛輕雪驚鴻叫亂絃晚秋紅藕裏十宿寄漁船

文苑英華卷第二百九十五

登仕郎胡柯鄉貢進士彭

叔夏

校正

旅行聞寇動步集作寸步豪貴田園廢疲羸屋舍新自慙為旅
客無計避煙塵集作身空慙兩行決飄洒向紅塵

文苑英華卷第二百九十六

詩一百四十六

行邁八

奉使五十首

奉使廬陵

吳均見藝文類聚

悵然不自怡端憂坐漠漠風急鴈毛斷冰堅馬蹄落客子
飢寒多江上衣裝薄何當報恩罷驅車還北郭

奉使北徐州叅丞御

庾肩吾

炎農稱卷領唐勛載允恭猶將表世盛尚且號民集作人從

未如今聖主比德邁前蹤格天垂禮樂寰海置提封扮揄

諒昔社朱方有舊墉故鄉深帝念巡狩集作豫及時雍禁園

周百里離宮即九重浮橋還寫渭坑殿本疏龍過沛追鄉

飲歸宛盛禮容千金登禹膳萬壽獻堯鍾依然對白水眷

言懷赤松迴天隨輦道駐日逐戈鋒路遠大風積山長佳

氣濃年光正婉婉春樹轉丰茸竹葉含初籜集作莫枝發
早筇瑞木翻無鳥祥花更少蜂咸英起雲鳳率舞間笙鑄
時出沒集作江鱖乍唵喁雲邊開鞏樹霧裏識嶢峯小人
濫趨走虛薄愧無庸皇恩不可報河清徒易逢

被使出關

何胥

出關登隴坂回首望秦川絳水通西晉機橋指北燕奔流
下激石古木上叅天鷲啼落春後鴈度在秋前生平屢此
別腸斷自催年

公館讌訓南使徐陵

裴讓之

嵩山表京邑鍾嶺對江津方域殊風壤分野各星辰出境
君圖事尋盟我恤隣有才稱竹箭無用忝絲綸列樂歌鍾
響張旃玉帛陳皇華榮受命垂類聚譽本無因韓宣將聘
楚申胥卻去秦方當飲河朔翻屬卧漳濱禮酒盈三獻賓

蓬盛八珍歲稔鳴銅爵兵戢坐金人雲來朝起蓋日落晚
推輪異國猶兄弟相知無舊新

奉使至鄴館

類聚作鄴館公宴

裴訥之

晉楚敦盟好僑札同心賞禮成罇俎陳樂和金石響朝雲
駕馬進曉日乘龍上雙闕表皇居三堂映仙掌當階篁篠
密約岸荷蕖長束帶盡忻娛誰言驚歸兩

將命至鄴

周庾信

大國修聘禮親隣自此敦張旃事原隰賓序類聚作報成
言西過犯風露北指度輶轅交歡值公子展覲遇王孫何
以譽嘉樹徒欣賦采繁四牢盈折俎三獻盡類聚壘樽人
臣無境外何日類聚欣此言風俗既殊阻山河不復論無

對宴齊使

前人

因旅南館空欲祭西門眷然惟此別風類聚期幸共存

歸軒下賓館送蓋出河堤酒正離杯促歌工別曲悽林寒
木皮厚沙迴鴈飛低故人儻相訪知余已執珪

將命至鄴酬祖正負

前人

我皇臨九有聲教洎無隄興文盛禮樂偃武息氓黎承乏
驅騏驥類聚我馬維騏旌類聚旃旗事琬珪古碑文字盡荒城年
代迷被隴文瓜熟交媵香穗低投瓊實有慰報李更無蹊

廣陵岸送北一作使

陰鏗

行人引去節送客艤歸艫即是觀濤處仍為郊贈衢貴類聚

作漢文洲浪已息邗江路不紆亭嘶背櫂馬牆轉向風烏

海上春雲雜天際晚帆孤離舟對零雨別渚望飛鳧定知
能下淚非但一揚朱

此詩二百六十六卷重出今已削去

贈北使

潘微

業定三邊靜時和四海躬行人仍禮籍使者接輶軒賓榮
君享客閑踞我司存既美齊嬰學欣逢鄭產言琴酒時歡
會篇章極討論迴旌逗隴去返軸指河源塞榆行隱路津
柳梢垂門日沈山氣合潮落水花翻離情欲寄鳥別淚下
因猿所可緘懷袖方以代蘭萱

贈司馬幼之南聘

盧思道

故交忽千里輶車莅遠盟幽人重離別握手送行征晚霞
浮極浦落景照長亭拂霧揚龍節乘風遡鳥旌楚山百重
映吳江萬仞清夏雲樓閣起秋濤帷蓋生陸侯持寶劍終
子繫長纓前脩爾類聚亦何遠君其勗令名

接北使

虞世基初學記

會玉二嶠至瑞節三秦歸林蟬踈欲盡江鴈斷還飛墻垣
崇客館旌蓋入玉畿先敢論類聚共此封植方欣薦初學記

作當篇

類聚作
欣篤 紵衣

奉使益州至長安發鍾陽驛 盧照隣

躋一作險方未夷乘春聊騁望落花赴丹谷奔流下青嶂
葳蕤離樹滋滉漾春江漲平川看釣侶狹徑聞樵唱魚戲
綠苔前鶯歌白雲上耳目多異賞風煙有奇狀峻阻將長
城高標吞巨舫聯翩事羈勒辛苦勞疲恙夕濟幾潺湲晨
登每惆悵誰念復芻狗山河獨偏喪

遠使海曲春夜多懷 駱賓王

長嘯三春晚端居百慮盈未安胡蝶夢遽切魯禽情別島
連寰海離魂斷戍城流星疑伴使低月似依營懷祿寧期
達牽特匪徇名艱虞行已遠昧集作迹自相驚

送魏兵曹使雋州 得登字 陳子昂

陽山淫霧雨之子慎攀登羌祚多珍寶人言有愛憎思一作欲

酬明主惠當盡使臣能勿以王陽嘆一作道邛道一作邛道畏菱曾

此詩二百六十七卷重出今已削去注異同為一作

奉使築朔方六州城率爾而作李嶠

奉詔受邊服摠徒築朔方驅彼犬羊族正此戎夏疆子來
多悅豫王事寧怠遑三旬無愆期百雉鬱相望雄視沙漠
垂有截 海陽二廷已頓顙五嶺盡來王驅車登崇墉顧
眄凌大荒千里何蕭條草木自悲涼憑軾訊古今慨焉感
興王漢障綠河遠秦城入海長顧無廟堂策貽此中夏殃
遁隱前業衰運開今化昌制為百王式舉合千載防馬牛
被路隅鋒鏑銷戰場豈不懷殆勞所圖在永康王車何為
者稱代陳頌章

和李大夫嗣真奉使存撫河東 杜審言

六位軋坤動三微曆數遷謳歌稱火德圖讖在金天子月

開階統房星受命年禎符龍馬出寶籙鳳凰傳地即交風
雨都仍卜澗灑明堂惟御極清廟乃尊先不宰神功運無
爲大象懸八荒平物土四海接入煙已屬羣生泰猶言至
道偏璽書傍問俗旌節近推賢秩比司空位官臨御史負
雄詞執刀筆直諫罷樓船國有大臣器朝加小會筵將行
備禮樂送別仰神仙城闕周京轉關河陝服運稍觀汾水
曲俄指絳臺前姑射聊長望平陽遂宛然舜耕餘草木禹
鑿舊山川昔出諸侯爭無何霸業全中軍歸戰敵外府絕
兵權隱隱帝鄉遠瞻瞻肅命度西河偃風俗東壁挂星躔
井邑扮榆社陵園松柏田榮光朝掩代佳氣晚侵燕雨霈
鴻私滌風行暮旨宣惇嫠訪疾苦屠釣採貞堅人樂逢刑
措時康洽賞延賜踰秦氏級恩倍漢家錢擁傳咸翹首稱
觴競比肩拜迎彌道路舞詠溢郊鄩殺氣西衝白窮陰北

暝玄飛霜遙度海殘月迴臨邊緬邈朝廷問周流朔塞旋
興來採馬策俊發把集作抱龍泉學惣八千卷文傾三百篇
澄清得使者作頌有人焉夫以崇班闕而云勝託捐偉材
何磊落陋質幾翩翩江海寧爲讓已歛轉自牽一聞歌聖
道助曲荷陶甄歸戰敵集歸掃作掃

送高郎中北使

前人見集本

北狄願和親東京發使臣馬銜邊地雪衣染異方塵歲月
催行旆恩榮變苦辛歌鍾期重錫拜手落花春

送梁卿王郎中使東蕃弔冊崔湜

梁侯上卿秀王子中臺傑贈冊綏九夷旌旃下雙闕西堂
禮樂送南陌軒車別征路入海雲行舟沂江月茲邦久欽
化歷載歸朝謁皇心諒所嘉寄爾宣風烈

送姚侍御出使江東

宋之問

帝憂河朔郡南發海陵倉坐歎青春別逶迤碧水長飲冰
朝受命衣錦晝還鄉為問東山桂無人何自芳

奉使嵩山途經緱嶺

前人見初學記

侵星發洛城城中歌吹聲畢景至緱嶺嶺上烟霞生草樹
饒野意山川多古情大隱德所薄歸來可退耕

送郭大夫元振再使吐蕃 張說

犬戎廢東獻漢使馳西極長冊問首渠猜虜阻集作自夷殛
容髮徂邊歲旌裘喪弊弊集作海色五年一見家妻子不相識

武庫兵猶動金方事未息遠圖俟才智苦節輸筋力脫刀
贈分守書帶加餐食知君萬里侯立功在異域以下四篇並見集本

送鄭大夫惟忠從公主入蕃 前人

鳳吹遙將斷龍旗送欲還傾都邀節度集作使酌酒緩離顏
春磧沙連海秋城月對關和戎應賞魏定遠莫辭班

南中送北使二首 前人

傳聞合浦葉曾向洛陽飛何日南風至還隨北使歸紅顏向
度嶺歇白首對衰秋高關何由見層臺集作堂不可違誰憐

炎海曲淚盡血霑衣

二

待罪居重譯窮愁度兩集作暮秋山臨鬼門路城遶羣江流

人事今如此生涯日集作自可求逢君入鄉縣傳我念京周

別恨經集作歸途遠離言暮景道夷歌翻下淚蘆酒未消愁

聞有胡兵急深懷漢國羞和親先是詐款塞果為讎釋繫
應分爵蠲徒幾復侯廉頗誠未老孫叔且無謀若道馮唐

事皇恩尚可收

奉使自藍田玉山南行 張九齡

征驂入雲壑始憶步金門通籍微軀幸歸途明主恩匪唯

徇行役兼得慰晨昏是節暑云熾紛吾心所尊海縣且悠緬
山郵日駿奔徒知惡囂事未暇息陰論嶢武經陳迹衡湘
指故園水聞南澗險烟望北林繁遠路集作千巖合幽聲
百籟喧陰泉夏猶凍陽景晝方噉懿此高深景集作徒然
集作夢想存盛明期有報長往復奚言以下七篇
並見集本

使還湘水上

前人

歸舟宛何處正值楚江平夕逗烟村宿朝緣浦樹行于役
已彌歲言旋今愜情鄉郊尚千里流目下雲生

使還都湘東作

前人

蒼鷓昨歸候陽鳥今去時感物遽如此勞生安可思養真
無上格圖進豈前期甘節往來苦壯容離別衰盛明非不
遇弱操自雲私孤檝清川渚征衣寒露滋風朝津樹落月
夕嶺猿悲牽役而無悔坐愁祗自貽當須報恩已終爾謝

塵緇

送使廣州

前人

家在湘源住君今海嶠行經過正中道相送倍為情心逐
書郵去形隨世網嬰因聲謝遠別緣義不緣名

巡按自灘水南行

前人

理棹雖云遠飲冰寧有惜况乃佳山川怡然傲潭石奇峯
岌前轉茂樹隈中積猿鳥聲自呼風泉氣相激目困詭容
逆心與清暉滌紛吾謬執簡行郡將移檄即事聊獨歡素
懷豈兼適悠悠詠靡監庶以窮日夕

使至廣州

前人

昔年嘗不調茲地亦遭迴本為雙鳧入何知駟馬來人非
漢使橐駝是越王臺去去雖殊事山川長在哉

訓趙二侍御使西軍贈兩省舊寮之作

前人

石室先鳴者金門待制同操刀嘗願割持斧竟稱雄應敵
兵初起緣邊虜欲空使車經隴月征旆繞河風忽枉兼金
訊非徒秣馬功氣陵集作清蒲海曲集作內聲滿栢臺中顧已
塵華省欣君震遠戎明時獨匪報嘗欲退微躬

使至塞上

王維

銜命辭天闕單車欲問邊集作單車欲問邊屬國過居延征蓬出漢塞歸
鴈入胡天大漠孤煙直長河落日圓蕭關逢條騎集作史都
護在燕然

休假還舊業便使

前人

謝病始告歸依依入桑梓家人皆佇立相候衡門裏時輩
今集作皆長年成人舊童子上堂嘉慶畢顧與姻親齒論舊
忽一作或餘悲自存且相喜田園轉蕪没但有寒泉水
衰柳日蕭條秋光清色里入門乍如客歸集作休騎非便止中

飲顧王程離憂從此始

送靳十五侍御使蜀

孫逖

天使出霜臺行人擇吏才傳車春色送離興夕陽催驛遠
巴江轉關迎劔道開西南一何幸前後二龍來

和左司張員外自洛使入京中路先赴長安逢
立春日贈常侍御等及作諸公二首前人

拜郎登省闈春使馳車乘遙瞻使者星便是郎官應臺妙
時相許皇華德彌稱二陝聽風謠三秦望形勝此中睽友
益是日多詩興寒盡歲陰催春歸物華證

二

忽觀雲間數鴈迴更逢山上一花開河邊淑氣迎芳草林
下輕風待落梅秋憲府中高唱入春鄉署裏和歌雜詩來
共言東閣招賢地自有西征作賦才

贈獻納使起居田舍人

杜甫

獻納司存雨露邊地分清切任才賢舍人退食收封事宮
女開函近御筵曉漏追趨青瑣闥晴窓點檢白雲篇揚雄
更有河東賦唯待吹噓送上天

使過彈箏峽

儲光羲

鳥雀知天雨羣飛息復集作復羣鳴原田無遺粟日暮滿空城
達士憂世務鄙夫念王程晨過彈箏峽馬足凌兢行雙壁
隱靈曜莫能知晦明皚皚堅冰色漫漫陰雲平始信古人
言苦節不可貞

送友人使夷陵

崔翹

猿鳴三峽裏行客舊霓裳復道從此一作茲去思君不慙忘
開襟春葉短分手夏條長獨有幽庭桂年年空自芳

奉使巡檢兩京路種果樹事畢入秦因

詠歌

鄭審

聖德周天壤韶華滿帝畿九重承渙汗千里樹芳菲陝塞
餘陰薄關河舊色微發生和氣動封植衆心歸春露條應
弱秋霜果定肥影移行子蓋香撲使臣衣入逕迷馳道分
行接禁闈何當扈仙蹕攀折卷恩輝

銜命使本國

胡衡

銜命將辭國非才添侍臣天中戀明主海外憶慈親伏奏
違金闕駢驂去玉津蓬萊鄉路遠若木故園鄰西望懷恩
日東歸感義辰平生一寶劍留贈結交人

送金卿歸新羅

陶翰

奉義朝中國殊恩及遠臣卿心遙渡海客路再經春落日
誰集作誰同望孤舟獨可親拂波銜木鳥偶宿泣珠人禮樂
夷風變衣冠漢制新青雲已干呂知汝重來賓

和中丞出使恩命過中南別業

劉長卿

不過林園久多因寵遇偏故山長寂寂春草過年年花待
朝衣間雲迎驛騎連松蘿深舊閣樵牧散閑田拜闕貪搖
珮看琴懶更集作弦君恩催早入已夢傳巖邊

送裴四判官赴河西軍試

前人

吏道豈易愜如君誰與傳逢時將騁驥臨事無全牛鮑叔
幸相知田蘇頗同遊英姿挺孤秀清論含風集作流出塞
佐集作復持簡辭家擁鳴騶憲臺貴公舉幕府資良籌武士

佇明試皇華難久留陽關望天盡洮水令人愁萬里看一
鳥曠然煙霞收晚花對古戍春雪寒邊州道路雖暫隔音
塵仍集作那集作可求他時相望處明月西南樓

奉使新安自桐廬縣嚴陵釣臺宿七里灘下寄

使院諸公

前人

悠然釣臺下懷古特一望江水自潺湲何一作人獨惆悵新

安從茲一作始挂楫方蕩漾迴轉百里間一作青山千萬狀連

崖去不斷對嶺遙相向來岸黛色秋沉沉綠波上夕陽留

古木水鳥拂寒浪月下扣舷聲煙中採菱唱猶憐負靱束

末暇依清曠牽役徒自勞近名非所尚何人集作故山裏

却醉松花釀迴首唯白雲孤舟復誰訪

賈侍御自會稽使迴篇什盈卷兼蒙見寄一首

與余有挂冠之期因書數事率成韻前人一作陳子旦

江上逢星使南來自會稽驚年一葉落按俗五花嘶上國

悲蕪梗中原動鼓鞞報恩有一作鐵劍銜命出金閨風物催

歸緒雲峯發詠題天長百越外潮上小江西鳥道通閩嶺

山光落剡溪暮帆千里思秋夜一猿啼栢署榮新寵桃源

憶故蹊若為能去此行復草萋萋

送盧舉使河源

張謂

故人行役向邊州，疋馬今朝不少留。
長路關山何日盡，滿堂絲竹為君愁。

武城

一作威

春寒

一作暮

聞宇文判官西使還已到

晉昌

岑參

片雨過城頭，鸚黃上戍樓。
塞花飄客淚，邊柳送鄉愁。
白髮悲明鏡，青春換弊裘。
君從萬里使，聞已到瓜州。

送日本國聘賀使晁巨卿東歸

包佶

上才生下國，東海是西隣。
九譯蕃君使，千年聖主臣。
野情偏得禮，木性本含仁。
錦帆乘風轉，金裝照地新。
孤城開蜃閣，曉日上車輪。
早議來朝歲，塗山玉帛均。

文苑英華卷第二百九十六

登仕郎胡柯鄉貢進士彭

校正

校正

文苑英華卷第二百九十七

詩一百四十七

行邁九

奉使四十五首

館驛十九首

送袁負外宣慰勸農使

集作

赴洪州使院李嘉祐

聖主臨前殿，殷憂遣使臣。
氣迎天詔喜，恩發土膏春。
草色催歸棹，鷺啼為送人。
龍沙多道里，流水自相親。
此詩二百七十一卷重出前已削去

送崔夷甫負外和蕃

前人

君過湟中去，尋源未是賒。
經春生白草，盡日渡黃沙。
雙節行為伴，孤峰到似家。
和戎非用武，不學李輕車。

送陸珽侍御使新羅

錢起

見集本

衣冠周柱史，才學我鄉人。
受命辭雲陛，傾城送使臣。
去程滄海月，歸思上林春。
始覺儒風遠，殊方禮樂新。

重送陸侍御使日本

集作新羅

前人

萬里三韓國行人滿目愁辭天使星遠臨水簡霜秋雲帆

去聲集作愧

迎仙島虹旌過蜃樓定知懷魏闕回首海西頭

送友人使河源

賈至

送君魯郊外下車上高丘蕭條千里暮日落黃雲秋舉酒
有遺恨論邊無遠謀河源望不見旌旆去悠悠

送作使

已見二百七十二卷

皇甫曾

送揚中丞和蕃

郎士元

錦車登隴日邊草正萋萋舊好尋君長新愁聽鼓鞞河源
飛鳥外雪嶺大流西漢壘今猶在遙知路不迷

送從兄使新羅

顧況

六氣銅渾轉三光玉律調河宮清奉費海嶽晏來朝地絕
提封入天平賜一作錫貢饒揚威輕破虜柔服耻征遼曙色

黃金闕寒聲白鷺潮樓船非習戰驄馬是嘉招帝女飛銜
石鮫人賣淚綃管寧雖不偶徐市儻相邀獨島綠空翠孤
霞上沈寥蟾蜍同漢月蟬竦異秦橋水豹橫吹浪花鷹迴
拂霄晨裝凌莽渺夜泊記招搖幾路通負嶠何山是沃焦
颶風時汨一作泊起陰火暝潛燒鬚髮成新髻人叅長舊苗
扶桑銜日近析木帶津遙夢向愁中積魂當別處銷臨川
思結網見彈欲求鷗共散羲和曆誰差甲子朝滄波仗忠
信譯語辯謳謠豐鼓鯨鱗隱陰帆鷁首飄南溟垂大翼西
海飲文文選吳都賦注文指景尋靈草排雲聽洞蕭
封侯萬里外未肯後班超

奉和裴將軍使河北宣慰因訪張氏昆季舊居兼寄

趙卿侍郎時趙卿拜陵未迴 盧綸

飛軒不住輪感激漢儒臣氣懾千夫勇恩傳萬里春古原

收野燎寒笛響空隣書此達良友杜陵風雨頻

送耿捨遺括圖書使往江湘

前人

傳令收遺籍諸儒喜餞君孔家唯有地禹穴但生雲編簡
還知續蟲魚亦自分如逢北山隱一為杼移文

逢南中使因寄嶺外故人

前人

見說南來處蒼梧接桂林過秋天更暖邊海日長陰巴路
綠雲出蠻鄉入洞深信迴人自說夢到月應沉碧水通春
色青山寄遠心炎方難久客為爾一霑襟

巡諸州漸次空靈戍

戴叔倫

寒盡鴻先去江迴客未歸早知名是幻不敢繡為衣霧積
川源暗山多郡縣稀明朝下湘岸更逐鷓鴣飛

江迴集作迴

送日本使還

徐嶷

絕國將無外扶桑更有東來朝逢聖日歸去及秋風夜泛

朝迴際晨征莽蒼中鱗波騰水府蜃氣狀仙宮天眷何期

遠王文久已同相望杳不見離恨托飛鴻

送工部張曹長大夫奉使西蕃

權德輿

殊隣覆露同奉使小司空西侯車徒出南臺節印雄弔祠
將渥命導譯暢皇風故地山河在新恩玉帛通塞雲凝廢

疊關月照驚蓬青史書歸日翻輕五利功

以下四篇並見集本

送人使之江陵

得賞字

前人

嘉招不辭遠捧檄利攸往行役念前程讌遊睽舊賞征軺
星乍動江信潮應上煙水飛一帆霜風搖五兩紛紛別袂
舉切切離鴻響後會杳何時悠然勞夢想

送帝中丞奉使新羅

得往字

前人

淳化洽聲明殊方均惠養計書重譯至錫命雙旌往星辭
北極遠水泛東溟廣斗柄辨宵程天琛宜晝賞孤光洲島

迴淨綠煙霞敞展禮盛賓徒交歡覲君長經途勞視聽愴
別縈夢想延頸旬歲期新恩在歸鞅

送張閣老中丞持節冊弟迴鷗

前人

旌旆翩翩擁漢官君行常得遠人歡分職南臺知禮重輟
書東觀見才難金章玉節鳴騶遠白草黃雲出塞寒欲散
別愁唯有醉慙煩賓從駐征鞍

春日酬祭嶽瀆使大理盧卿自會稽迴經年將

赴朝寄故林十二韻

釋皎然

望祀崇周典皇華出漢庭紫泥頒會計玄酒薦芳馨聖慮
祈多祐齋心合至靈占祥形史祝一作竹筮日數堯奠禮秩
新加命朝章舊理刑敷誠依北闕遺愛在西亭五袴歌仍
詠三碑石重銘躊躇問存沒委曲向郊坰茗水曾同泛機
稽疑作山昔共經清風門客仰佳頌國人聽奉使朝行月飛

文夜動星征途回四牡遙戀故林青

陪顏使君錢宣諭蕭常侍

前人

江淮凋瘵後遠使發天都昏墊宸心及哀矜詔命敷恤民
驅急傳訪舊枉飛艦外鎮藩條最中朝顧問殊文皆正風
俗名共溢寰區已事方懷闕歸期早戒途繁笳咽水閣高
蓋擁雲衢暮色生千嶂秋聲入五湖離歌猶宛轉歸馭已
踟躕今夕庾公意西樓月亦孤

白蘋洲送洛陽李丞使還

前人

蘋洲北望楚山重千里迴輶止一封臨水情來還共載看
花醉去更相從罷官風渚何特別寄隱雲陽幾處逢後會
那應似疇昔年年覺老雪山容

送遼陽使還軍

李益見集本

征人欲旦一作歌且行北上遼陽城二月戎馬息悠悠邊草生

青山出塞斷代地入雲平昔者匈奴戰多聞殺漢兵平生
報國憤一作日一作夜角弓鳴勉君萬里去勿使虜塵驚

送歸中丞使新羅冊立弔祭 前人

東望扶桑日何年是到時片帆通雨露積水隔華夷浩渺
風來遠虛明鳥去遲長波靜雲月孤島宿旌旗別葉傳秋
意迴潮動客思滄溟無舊路何處問前期

同前 吉仲孚

官稱漢獨坐身是魯諸生絕域通王制窮天問水程島中
分萬像日處轉雙旌氣積魚龍窟濤翻水浪聲路長經歲
去海盡向山行復道殊方禮人瞻漢使榮

同前 立君成集作六軍承行弔萬里孤棹瓜島耿緯

遠國通王化儒林得使臣立君成典冊行弔奉絲綸雲水
連孤棹恩私在一身悠悠龍節去渺渺蜃樓新望裏山仍

暮波中歲又春昏明看日脚靈恠問舟人城邑分華夏衣
裳擬措紳他時禮命畢歸路不迷津

奉送崔侍御和蕃 前人

萬里華戎隔風沙道路秋新恩明主啓舊好使臣脩旌節
隨邊草關山見戍樓俗殊人左衽地遠水西流日暮冰先
合春深雪未休無論善長對博望自封侯

途次近蜀驛蒙恩賜寶刀及飛龍馬使還日寄

中書二相公見二百五十五卷 武元衡

送殷負外使北蕃 揚巨源

貳軒將雨露萬里入煙沙和氣生中國薰風屬外家塞蘆
隨鴈影關柳拂駝花努力黃雲北仙曹有雉車

送許侍御充雲南哀冊使判官 前人

萬里永昌城威儀奉聖明冰心瘴江冷霜憲漏天晴荒外

開亭候雲南降旆旌他時功自許絕域展哀榮

冬晚送友人使西蕃

陳羽

驛使向天西巡羌復入氏玉關晴有雪沙磧雨無泥落淚
軍中笛驚眠塞上鷄逢春鄉思苦萬里草萋萋

送工部張侍郎入蕃弔祭

時張兼
修史

劉禹錫

月窟賓諸夏雲官向集作降九天飾終隣好重錫命禮容全
水咽猶登隴沙鳴稍極邊路因乘駟近志為飲冰堅毳帳

差池見鳥旗搖曳前歸來賜金石榮耀自編年

送兵

集作工

部蕭郎中刑部李郎中以本官兼中丞

前人

霜簡映金章相輝同舍郎天威巡虎落星使出駕行樽俎
成全策京坻閱見糧歸來虜塵滅畫地奏明光

送源中丞充新羅冊立使

侍中
之孫

前人

相門才子稱華簪持節東行奉集作捧德音身帶霜威辭鳳

闕口傳天語到鷄林煙開鰲背千尋碧日浴鯨波萬頃金

想見扶桑受恩後一時西拜盡傾心

送邊使

張籍

揚旌一作旗過隴頭隴水向西流塞路見集作依山遠戍城逢

雨集作非秋寒沙陰漫漫疲一作瘦馬去悠悠為問征西將誰封定

遠侯

送邊使詩合在此卷安西將詩合在三百卷元本誤
併為一今既正之又詳注三百卷中

送新羅使

前人

萬里為朝使離家已經集作今幾年應知舊行路却上遠歸船
夜泊避蛟窟朝炊取集作求島泉悠悠到鄉國還望海西天

送金少卿副使歸新羅

前人

雲島茫茫天畔微向東萬里一帆飛久爲侍子承恩重今
佐使臣銜命歸過海便應將國信到家鄉一作猶自着朝衣
從前此去人無數光移如君定士稀

送于中丞使迴紇冊立

賈島

君立天驕發使車冊文字字着金書漸過青塚鄉山盡欲
達皇情譯語初調角寒城邊色動下霜秋磧馬行踈旌旗
來往幾多日應向途中見歲除

送田中丞使西戎

同用旗字

釋無可

朝元下赤墀玉節使西夷關隴風集作峰迴首河湟雪灑旗
磧砂行幾月戎帳到何時應盡平生志高全大國儀

送于中丞入蕃

朱慶餘

上馬生邊思戎裝別衆僚雙旌銜命重空磧去程遙迴出
沙中樹孤飛雪外鷗蕃庭過冊禮幾日却歸朝

送陳侍御入蕃

前人

遠使隨雙節新官屬外臺裝戎非好武書記本多才歸帳
依泉宿迎人帶雪來心知玉關道稀見一花開

送冊東夷王使

馬戴

越海傳金冊華夷禮命行片帆秋色動萬里信潮生日映
孤舟出沙連絕島明翳空翻大鳥飛雪灑一作噴長長鯨舊鬚
迴應改遐荒夢易驚何當理風檝天外問來程

送和北虜使

前人

路始陰山北迢迢雨雪天長城人過少砂磧馬難前日入
流沙際陰生瀚海邊刀鐮向月動旌纛昌霜懸逐獸孤圍
合交兵一箭傳穹廬移斥候一作峒烽一作火絕祁連漢將
行持節胡兒坐控弦明妃的迴面南送使臣旋

送金夷魚

一作吳

奉使歸本國

張喬

渡海登仙籍還家備漢儀孤舟無岸泊萬里有星隨積水
浮魂夢流年半別離東風未迴日音信杳難期

送入蕃使

周繇

獵獵旗幡過大荒勅書猶帶御煙一作爐香
滹沱河凍軍迴探邏沙城孤雁着行遠
塞風一作燒狂移帳幕平沙日晚卧
牛羊早終冊禮朝天闕莫遣虬髯染塞霜

送王中丞使日東

曹松

辭天理玉簪揆日使雞林獨有中華戀
方同積浪深華張帆度鯨口銜命見臣心
渥澤遐宣後歸期抵萬金

奉使歧下聞唐弘夫行軍為賊所擒傷而

有作

唐彥謙

報國損軀實壯夫楚囚垂欲復神都雲臺畫像皆何者
青史書名或不孤散卒半隨袁校尉寡妻休問辟司徒
聞君

敗績無歸計氣激星辰坐向隅

館驛

聘齊秋晚館中丞酒

庾信

欣茲河朔飲對此洛陽才殘秋欲屏扇餘菊尚浮杯
漳流鳴二水日色下三臺無因侍清夜同此月徘徊

入彭城館

前人

襄君前建國項氏昔稜威鷓鴣飛傷楚戰雞鳴悲漢園
年代殊氓俗風雲更盛衰水流浮磬動山喧雙翟飛
夏餘花欲盡秋近鷺將稀槐庭垂綠穗蓮浦落紅衣
徒知日去暮不見舞雩歸

宿驤集作驪河驛浦

陳子昂

沿流辭北渚結纜宿南洲合岸昏初夕迴塘暗不流行聞
塞鴻斷坐聽峽猿愁沙浦明如月汀葭晦若秋未及能鳴

鴈徒思海上鷗，天河殊未曉滄海。

一作江

信悠悠。

早發苦竹館

李嶠

合沓巖嶂深，隴朦煙霧曉。荒阡下樵客，野後驚山鳥。開門

聽

一作濟

潺湲入徑，尋窈窕。栖鼯抱寒水，流螢飛暗篠。早霞

稍霏，霏殘月猶皎皎。行看遠星稀，漸覺遊氛少。我行撫輶

傳，兼得傍林沼。貪翫水石奇，不知川路渺。徒憐野心曠，詎

惻浮年小。方解寵辱情，未託累塵表。

貶降至汝州廣城驛

鄭愔

近郊憑汝海，遐望

一作服

指江干。尚憶趨朝貴，方知失路難。

曙宮平樂遠，秋澤廣城寒。岸葦新花白，山梨晚葉丹。鄉關

千里暮，歲序四時闌。函塞間雲白，

一作別

旋門霧裏看。夙年

追騷驥，暮節仰鷓鴣。鸞疲駕勞垂耳，騫騰

一作飛

遽矯翰將調梅。

鉉實不正，李園冠荆玉。終無玷隨珠，忽已彈曉裝。違鞏洛

夕夢在長安，北臨易傷阮。西征未學潘，傾車無共轍。同派

有殊瀾，去去懷知己，何由報一餐。

初到黃梅臨江驛

途中

集作愁中

宋之問

馬上逢寒食，途中屬暮春。可憐江浦望，不見洛橋人。北極

懷明主，南溟作逐臣。故鄉

一作園

腸斷處，日夜柳條新。

此詩二百九十卷重出前已削去，注異同為一作。

登大庾嶺北驛

北迴

集作此迴

前人

陽月南飛鴈，傳聞至北迴。我行殊未已，何日復歸來。江靜

潮初落，林昏瘴不開。明朝望鄉處，應見嶺頭梅。

題端州驛寄杜審言王二無競

前人

逐臣北地承嚴譴，謂到南中每相見。不覺南中歧路多，千

里萬里分鄉縣。雲隨

一作推

雨散，各翻飛海闊。江長音信稀

處處山川同瘴癘，自憐能得幾人歸。

盧邑驛聞張御史張判官欲到不得待留

贈之

張說

旅竄南方遠傳聞北使來舊庭知玉樹同浦識珠胎白髮
因愁改丹城偶集作託夢迴皇恩若可再集作再造為憶不然灰

以下十一篇並見集本

深渡驛

前人

旅泊集作宿青山夜荒庭白露秋洞房懸月影高枕聽江流
猿響寒巖樹螢飛古驛樓他鄉對搖落併覺起離憂

此詩二百九十卷重出前已削去

還至端州驛前與高六別處

前人

舊館分江口淒然望落暉相逢傳旅食臨別換征衣昔記
山川是今傷代人非往來皆此路生死不同歸

候使登石頭驛樓作

張九齡

山檻憑南望川途眇北流遠林天翠合前浦日華浮萬井
緣津渚千艘咽渡頭漁商多末事耕稼少良疇自守陳蕃
榻嘗登王粲樓徒然騁日處豈是獲心遊同跡雖愚谷求
名亦盜丘息陰芳木所空復起集作越鄉憂

文杏館

王維

文杏裁為梁香茅結為宇不知棟裏雲去作人間雨

永嘉上浦館逢張客鄉

孟浩然

逆旅相逢處江村日暮時眾山遙對酒孤嶼共題詩解院
隣蛟室人煙接島夷鄉關萬餘里失路一相悲

奉濟驛重送嚴公

杜甫

遠送從此別青山空復情幾時盃重把昨夜月同行列郡
謳歌歌一謹作惜三朝出入榮江村獨歸處寂寞養殘生

山館

前人

南國晝多霧北風天正寒路危行木杪身遠宿雲端山鬼
吹燈滅厨人語夜闌雞鳴問前館世亂敢求安

通泉驛南去通泉縣十五里山水作

前人

溪行衣自濕亭午氣始散冬温蚊蚋在人遠鳧鴨亂登頓
生層陰欹傾出高岸驛樓衰柳側縣郭輕煙畔一川何綺
麗盡目窮壯觀山色遠寂寞江光夕滋漫傷一作時愧孔
父去國同王粲我生苦飄零所歷有嗟嘆

答裴侍御先行至石頭驛以書見招期月滿泛

洞庭

李白

君至石頭驛寄書黃鶴樓開緘識遠意速此南行舟風水
無定準湍波成帶留憶昨新月生西簷若瓊釣今來何所
似破鏡懸清秋恨不三五明平湖泛澄流此歡竟莫遂狂
殺王子猷巴陵定近遠持贈解人憂

題宛溪館

前人

吾憐宛溪好百丈集作尺照山集作心明何謝新安水千尋見
底清白沙留月色綠竹助秋聲却笑嚴湍上于今獨擅名

文苑英華卷第二百九十七

登仕郎胡

柯

鄉貢進士彭

叔夏

校正

文苑英華卷第二百九十八

詩一百四十八

行邁十

館驛附

館驛八十首

經望湖驛

常鎰

大漠無屯雲孤峰出亂柳前驅白登道顧失飛狐口遙憶
代王城俯臨恒山後纍纍多古墓寂寞爲墟久豈不固金
湯終聞繫銅斗交歡初仗信接宴翻貽咎埋寶賊夫人磨
笄傷彼婦功成行且薄義立名不朽莫慎織微端其何社
稷守身殘國遂亡此立疑人君醜

竹里館

盧象

江南冰不閉山澤氣潛通臘月聞山鳥寒崖見蟄熊柳林
青半合筵笋亂無葦迴首金陵岸依依向北風

剡溪館聞笛

丁仙芝

夜久聞羌笛一作寥虛客堂山空響不散溪靜曲且長
草木生邊氣城池逗夕涼虛然異風出髮歸宿平陽

題豫章館

崔國輔

楊柳映春江江南轉佳麗吳門綠波裏越國青山際遊官
常往來津亭暫臨憩驛前蒼石沒浦外湖沙細向晚宴一作
且平孤舟同一作然逝雲留西北客氣歇東南帝獨有萋
萋心誰知怨芳歲

閑齋臥疾行藥至山館稍次湖亭

常建

旬時結陰霖簾外初白日齋沐清病容心魂畏虛室閑梅
照前戶明鏡悲舊質同袍四五人何不來問疾行藥至石
壁東風變萌芽主人山門綠小隱湖中花時物堪獨往春
帆且別家辭君爲滄海爛漫從天涯

晚行次苦竹館却憶干越舊遊

劉長卿

疋馬風塵色千峯旦暮時遙看落日盡獨向遠山遲故驛
花臨道荒村竹映籬誰憐却回首步步戀南枝以下六篇
並見集本
移使鄂州次峴陽館懷舊居 前人

多慙恩未報敢問路何長萬里通秋雁千峯共夕陽舊遊
成遠道此去更違集作鄉草露空山裏朝朝滿客裳

使還至

集作

菱波

集作

驛渡灑作 前人

清川已再涉疲馬共西還何事行人倦終年流水閑孤煙
出廣澤一鳥響空山愁入雲峯裏蒼閣古關

登松江驛樓北望故園

前人

淡盡江樓北望歸田園已陷百重圍平蕪萬里何人去落
日千山空鳥飛孤舟漾漾寒潮小極浦蒼蒼遠樹微白鷗
漁父徒相待未掃攬捨懶息機

北歸次秋浦界清溪館

前人

萬嶺集作里猿頻斷孤村客斲依鴈過彭蠡暮人向宛陵稀
舊路青山在餘生白首歸漸知行近北不見鷓鴣飛

岳陽館中望洞庭湖
前人

萬古巴山戍平湖此集作北望長問人何森森愁暮更蒼蒼
疊浪浮元氣中流日太陽孤舟有集作向歸客早晚達瀟湘

登金陵臨江驛樓
張謂

古戍依重險高樓見五梁山根盤驛道何水浸城墻庭樹
巢鸚鵡園花隱麝香忽然江浦上憶作捕魚郎

登楚州城望驛路十餘里山村竹林相次交映
李嘉祐

十里山村道千峯櫟樹林霜濃竹枝亞歲晚荻花深草市
多樵客漁家足水禽幽居雖可羨無那子牟心

自蘇臺至望亭驛人家盡空春物增思悵然有
作因寄從弟紆
前人又見百家詩選

南浦菰蒲覆白蘋東吳黎庶逐黃巾野棠自發空臨水江
鷺初歸不見人遠岫集作樹依依如送客平田渺渺獨傷春

誰集作那堪回首長洲苑烽火連年集作年報虜塵
宋州東登望題武陵驛
前人

梁宋人稀鳥自啼登艦一望倍含悽白骨半隨河水去黃
雲猶傍郡城低平陂戰地花空落舊苑春田草未齊明主

頻移虎符守幾時行縣向黔黎
題前溪館
前人

兩年謫官在江西舉目雲山要自迷今日始知風土異潯
揚南去鷓鴣啼

宿洞口驛集作館
錢起

野竹通溪冷泉聲入戶鳴往來人不到寒草上階生

石城館酬王將軍
郎士元

誰能繡衣客肯駐木蘭舟連鴈沙邊至孤城江上秋歸帆
背南浦楚塞入西樓何處看離思滄波日夜流

發鍾山館

耿緯

疋馬直春路蕭條背館心澗花寒夕雨潭水黑朝林野市
魚鹽隘江村竹葦深子規何處發清樹滿高岑

雲陽館與韓申卿宿別

司空曙

故人江海別幾度隔山川乍見翻如夢悲歡一作悲各問年
孤燈寒照雨濕竹暗浮烟更有名朝恨離盃惜共傳

題江陵臨沙驛樓

前人

江天清更愁風柳入江樓鴈惜楚山晚蟬知秦樹秋淒涼
多獨醉零落半同遊豈復平生意蒼然蘭杜洲

自平陽館赴郡

暢當

晨興平陽館見月沉江水溶溶山霧披肅肅沙鷺起奉恩

謬符竹伏軾省頑鄙何得施教化愧迎小郡吏寥落火耕
俗征途青冥裏德綏乃吾民不德將鹿矣擒奸非性能多
愍會衰齒恭承共理詔恒懼墜諸地

宿荆溪館呈丘義興

嚴維

失路荆溪上依仁忽暝投長橋今夜月陽羨古時州野燒
明山郭寒更出縣樓先生能館我何事五湖遊

襄武館遊眺

韋應物 見集本

州民知禮讓訟簡得遨遊高亭憑古地山川當暮秋是時
秔稻熟西望盡田一作平疇仰恩慙政拙念勞喜歲收淡泊
風景晏繚繞雲樹幽節往情惻惻天高思悠悠嘉賓幸雲
集芳罇始淹留還希習池賞聊以駐鳴騶

自蒲塘驛迴駕經歷山水

前人

館宿風雨滯始晴行蓋轉潯陽山水多草木俱紛行崎嶇

綠碧澗蒼翠踐苔蘚高樹夾潺流集作崩石橫陰巘野杏
依寒拆餘雲冒嵐淺性慙刑豈勞鏡殊路遺面憶昔終南
下佳遊亦屢展時禽下流暮紛思何由遣

除夜宿石橋驛

已見一百五十八卷

戴叔倫

彭婆館逢常判官使還

前人

受辭分路遠會府見君稀雨雪經年去軒車此日歸暮春
愁見一作更別久客願相依寂寞伊川上揚花空自飛

寓居武丁館

陳存

暑雨颭已過涼颭觸幽襟寓一作館無喧塵綠槐多晝陰
俯視古苔積仰聆早蟬吟放卷一長想閉門千里心

清溪館作

談戩

指途清溪裏左右唯深林雲蔽望鄉處雨愁爲客心遇人
多物役聽鳥時幽音何必滄浪水庶茲浣塵襟

宿北樂館

陳閏

欲眠不眠夜深淺越鳥一聲空山遠庭本蕭蕭落葉時溪
聲雨聲聽不辨溪流潺潺雨習習燈影山光滿窻入棟裏
不知渾是雲曉來但覺衣裳濕

喜皇甫大夫同宿大梁驛

釋清江

江頭旌旆去花外卷簾空夜色臨城月春聲渡水風也知
行李別暫喜話言同若問廬山事終身愧遠公

酬姚補闕南仲雲溪館中戲題隨書見寄

寺溪臨使府風景借仁祠補袞周官貴能名漢主思卧雲
知獨處望月憶同時忽枉緘中贈瓊瑤滿手持

宿新安江深渡館寄鄭州王使君 朱長文

霜飛十月中搖落衆山空孤館閉寒水大江生夜風賦詩
情有憶沈約在關東

題嘉陵驛

武元衡

悠悠風旆繞山川山驛空濛雨似烟路半嘉陵頭已白蜀
門西更上集作更青天

病中赴袁州次香館

揚衡

病輿憩上館繚繞向山隅荒葛蔓欹壁幽禽啄朽株力微
怯升降意欲結踟躕誰能挹香水一為濯煩紆

小江驛送陸侍御歸湖上山

陳羽

鷓鴣唳天邊秋水空荻花蘆葉起西風今夜渡江何處宿會
稽山在月明中

秋日送客至潛水驛

劉禹錫

候吏立沙際田家連竹溪神祠社日鼓茅屋午時雞雀噪
晚禾地蝶飛秋草畦驛樓宮樹集作近疲馬再三嘶

元和甲午歲詔書盡徵江湘逐客余自武陵祇

召赴京宿於都亭有懷續來諸君子

前人

雲雨江湖集作起卧龍武陵樵客躡仙蹤十年楚水楓林
下全夜初聞長樂鍾

三鄉驛樓伏觀玄宗望女几山詩小臣斐然
有感 前人

開元天子萬事足唯惜當時光景促三鄉陌上望仙山歸
作霓裳羽衣曲僊心從此在瑤池三清八景相追隨天上
忽乘白雲去世間空有秋風辭

宿江館集作臨江驛

張籍

楚驛南渡口夜深來客稀月明見潮上江靜覺鷗飛旅宿
今已遠此行猶未歸離家久無信又聽擣寒衣

題襄城驛

元稹見集本

嚴秦修此驛兼漲驛前池已種萬竿竹又一作栽千樹梨

四年三月半新筍晚花一作時悵望因一作東川去等閑題

作詩一作偶然

望亭驛酬別周判官

白居易

何事出長洲連宵飲不休醒應難作別歡漸少於愁燈火穿村市笙歌上驛樓何言五十里已不屬蘇州

早發楚城驛

前人

過雨塵埃滅綠江道逕平月乘殘夜出人趁早涼行寂歷閑吟動冥濛暗思生荷塘翻露氣稻隴瀉泉聲宿犬聞鈴起栖禽見火驚隴隴煙樹色十里始天明

宿揚州水館

李紳

舟衣淺浦一作參差合橋映晴虹上下連輕楫過時搖水月遠燈繁處隔秋煙却思海嶠還悽歎近涉江濤更凜然閑凭欄竿指星漢尚疑軒蓋在樓船

宿孤館

賈島

落日投村戍愁生為客途春山晴集作寒後綠江月夜深集作來孤橋樹千株在漁家一伴無自知風水淨舟繫岸邊蘆

泥陽館

前人見集本

客愁何併起暮送故人迴廢館秋螢出空城寒雨來夕陰飄白露樹影掃青苔獨坐離容慘孤燈照不開

題青雲館

一有襄陽路三字

杜牧

虬蟠千仞刺羊腸天府由來百二強四皓有芝輕漢祖張儀無地與懷王雲連帳影蘿陰合一作枕繞泉聲客夢涼深處會容高尚者水苗三頃百株桑以下四篇並見集本

冬日五湖

集作浪

館水亭懷別

前人

蘆荻花多觸處飛遊登集作獨虛檻雨微寒林葉落鳥巢出古渡風集作浪高漁艇稀雲抱四山終日在草荒三徑幾時

歸江城向晚西流急

集作順東風急

無限鄉心

集作一鄉愁

聞擣衣

商山富春

集作水

驛

驛本名與陽諫同姓名因北改為富沙驛

前人

益驚猶來未覺賢終須南去弔湘川當時物議朱雲小後
代聲華白日懸邪佞每思當面唾清貧長欠一盃錢驛名
不合輕移改留警朝天者惕然

和野人殷潛之

一作夫

題籌筆驛

前人

三吳裂婺女九錫獄疑孤兒霸主業未半本朝心是誰永
安宮受詔籌筆驛沈思畫地乾坤在濡毫勝負知艱難同
草創得失計毫釐寂默經千慮分明混一期川流縈智思
山聳助扶持慷慨匡時略從容問罪師囊中秋鼓角渭曲
晚旌旗仗義懸無敵鳴攻故國集作有詞若非天奪去豈復
虜集作慮能支子夜星纔落鴻毛鼎便一作斬移郵亭世自換
白日事長垂何處躬耕者猶題殄瘁詩

宿黃花館

楊發

孤館蕭條槐葉稀暮蟬聲隔水聲微年年為客路無盡日
日送人身未歸何處離鴻迷浦月誰家愁婦擣霜衣夜深
不卧簾猶捲數點殘螢入戶飛

行次潼關驛逢魏扶東歸

已見二百今卷

許渾

宿望亭驛

集作館

却寄蘇州同遊

集作一

前人

候館人稀夜更長姑蘇臺遠樹蒼蒼江湖潮落高樓迴河
漢秋歸廣篔簹涼月轉碧梧移鵲影露低紅草集作葉濕螢光
西園詩思應無限集作應多思詩侶莫醉笙歌掩畫堂

秋晚題雲陽驛西亭蓮池

前人

見集本

心憶蓮池秉燭遊葉殘花敗尚維舟煙開翠扇清風晚水
泛紅衣白露秋神女暫來雲易散仙娥初去月難留空懷遠
道無時贈醉倚西欄盡日愁

題白馬驛

薛逢

晚麥芒乾風似秋旅人方作蜀門遊家山漸隔梁川遠客
路長依漢水流滿壁存亡俱是夢百年榮辱盡堪愁肯中
憤氣文難遣強指豐碑哭武侯

題籌筆驛

前人

天地三分魏蜀吳武侯崛起贊訐謨身依豪傑傾心術目
對雲山演陣圖赤伏運衰功莫就皇綱力振命先徂出師
表上留遺懇猶自千年激壯夫

過馬嵬驛

温庭筠

穆滿曾為物外遊六龍經此暫淹留返魂無驗青烟滅埋
血空成集作生碧草愁香輦乍集作却歸長樂殿曉鍾還下景
陽樓甘泉不得集作復重相見誰道文成是故侯

題望苑驛

前人

弱柳千條杏一枝半含春雨半垂絲景陽寒井人難到一作見
長樂晨鍾曉集作鳥自知花影幾年集作至今通博望樹名何世集作盛
從此號相思集作分至今集作明十二樓前月不向西陵照戚集作盛姬

此詩第三百二十七卷英華誤作題端正樹詩詳戴後注

題松江驛

方干

便向中流出太陽兼疑大岸逼扶桑門前一作樹白道通丹
闕浪裏青山占幾鄉帆勢落斜依浦淑鍾聲斷續在滄茫
古今悉不知天意偏把雲霞媚一方

平望驛

張祐

一派吳興水西來此驛分路遙經幾日身去是孤雲雨氣
朝忙蟻雷聲夜聚蚊何堪秋草色到處重離群以下四篇並見集本

洞庭南館

前人

一逕逗霜林朱欄遶碧岑地盤雲夢角山鎮洞庭心樹白

看煙起沙紅見日沉還因此悲屈惆悵又行吟

濠州水館

前人

高閣去煩燠客心遂安舒清流中浴鳥白石下游魚秋樹
色凋翠夜橋聲裊虛南軒更何待坐見玉蟾蜍

題弋陽館

前人

一葉飄然下弋陽殘霞昏日樹蒼蒼葛溪弋陽別名漫淬干將
劍却是猿聲斷客腸

泊鳧磯江館

晴來

集作湖平

趙嘏

風雪晴來歲欲除孤舟晚下意何如月當軒色湖平後鴈
斷雲聲夜起初傍晚管絃何處靜犯寒楊柳遶津踈三間
茅屋東溪上歸去生涯竹與書夜起初集作夜集犯寒集作迎寒津踈集作亭踈

發青山館

風高

集作嘶風須去集作前去

前人

鳧鷖聲暖野塘春鞍馬風高驛路塵一宿青山又須去古堯

來難得是閑人

仙娥驛

前人

谿上郵亭氣早秋樹邊溪色遶床流行人亦羨郵亭吏生
向此中今白頭

題嘉秦驛

薛能

見百家詩選

盡室可招鬼蠻餘出蜀門電涼隨雨氣江熱傍山根蠶月
縑絲路農時碌碡村干將磨欲盡無位可疇思

題嘉陵江驛

前人

江濤千疊閣千層銜尾相隨盡室登稠樹蔽山聞杜宇午
煙曛日食嘉陵頻題石上程多破暫歇泉邊起不能如此
幸非名利切益州來合日携僧

下弟後夷門乘舟至末城驛題

前人

秋賦春還計盡違自知身是拙求知唯思曠海無休日一作處

忽喜孤舟似去時，連夜一程兼汴宋。夾堤千柳雜唐隋，從來此恨皆前達。敢負吾君作楚詞。

荆河館

集作暮作山行田家歌馬

李郢

雨濕菰蒲斜日明，茅厨煮蠶掉車聲。青蛇上竹一種色，黃蝶集作隔溪無限情。何處樵漁將遠餉，故園田土憶春耕。千峯萬潁集作水瀉，羸馬此中愁獨行。

興州江館

鄭谷

向蜀還秦計未成，寒蛩一夜遶床鳴。愁眠不穩孤燈盡，坐聽嘉陵江水聲。

宿山驛

張蠟

驛在千峯裏，寒宵獨此身。古墳時見火，荒壁悄無隣。月白翻驚鳥，雲開欲就人。祗應明日鬢，更與老相親。

經荒驛

前人

古驛成幽境，雲蘿隔四隣。夜燈移宿鳥，秋雨禁行人。廢巷荆叢合，荒庭虎跡新。昔年經此地，終日是紅塵。

春日過壽安山館

羅鄴

舊國多將泉石親，西遊愛此拂行塵。兼開山色離亭午，步入香松別島春。誰肯暫安耕釣地，相逢謾嘆路岐身。歸期不及桃花水，江上何人繪雪鱗。

宿彭蠡館

羅隱

孤館少行旅，解鞍增別愁。遠山矜薄暮，高柳怯青秋。病裏見時態，醉中思舊遊。所懷今已矣，何必恨東流。以下六篇並見集本

宿荊州江陵館

前人

西遊象闕愧知音，東下荆溪稱越吟。風動岐荷香四散，月高集作樓閣影相侵。閑歌別枕千般夢，醉送征帆萬里心。薜荔衣裳木蘭檝，異時煙雨好追尋。

籌筆驛

前人

拋擲南陽為主憂北征東討盡良籌時來天地雖集作皆同
力運去英雄不自由千里山河輕孺子兩朝冠劍恨譙周
唯餘巖下多情水猶解年年傍驛流

蓮塘驛

前人

蓮塘館東初日明蓮塘館西行人行隔水啼鳥似相應當
路好花疑有情一夢不須追往事數盃猶可慰勞生莫言
來去只如此君看鬢邊霜幾莖

商於驛樓東望有感

前人

山川去接漢江東曾伴隨侯醉此中歌繞夜梁珠宛轉舞
嬌春席雪朦朧棠遺善政陰猶在薤送哀聲事已空惆悵
知音難得見集作竟難得兩行清淚白揚風

秋日泊平望驛寄太常裴郎中 前人

蘋洲重到杳難期西倚郵亭憶往時北海罇中長集作常有
酒東陽樓上獨集作豈無詩地清早集作每負生靈望官重方
升禮樂司聞說江南舊歌曲至今猶自唱吳姬

文苑英華卷第二百九十八

登仕郎胡 柯 鄉貢進士彭 叔夏 校正

發鍾山館朝林集作朝霖

雲陽館與韓申卿宿別濕竹集作深竹

文苑英華卷第二百九十九

詩一百四十九

軍旅一

講閱三首

征伐十九首

邊塞五十四首

講閱

從齊武帝瑯琊城講武應詔 沈約

九功播祧墀七德陳舞懸展事昌國圖息兵由重戰皇情
咨閱典出車迨辰選飾徒映寒隰翻綏臨廣甸颯杏佩吳
戈叅差腰夏箭風旆舒復卷雲霞清似轉一作雲霞輕舞

信徘徊前歌且遙衍秋原嘶代馬朱光浮楚練虹壑寫飛

文巖阿藻餘絢發震岳靈從揚旌水華變憑高訓武則中
天起遐眷鳳蓋掩洪河珠旗掃長沂方侍翠華舉遠適瑤

池宴

掃集作

從駕觀講武

庾信

校戰出長楊兵攔入鬪場置陣橫雲起開營馮翼張門嫌
磁石礙馬畏鐵菱傷龍淵出牛斗繁弱駭天狼落星奔驥
騶浮雲上驪驪急風吹戰鼓高塵擁具裝駭猿時落木驚
鴻屢斷行樹寒條更直山枯菊轉芳豹略推全勝龍圖一作
諧
揖所長小臣欣寓目還知奉會昌

奉和杜負外扈從教閱

李嶠

杪冬嚴殺氣窮紀送頽光薄狩三農隙大閱五戎場萊田
初起燒蘭野正開防夾岸紅旗轉分朋獸畧張燕弧帶曉
月吳劔動秋霜原起前禽路山紫後騎行雲區墜日羽星
苑斃天狼禮振軍容肅威宣武節揚神心體殷祝靈叶兆
姬祥幸陪仙駕末欣採翰林芳

征伐

從北征

祖孝徵見類聚

翠旗臨塞道靈鼓出桑乾祁山斂雰霧瀚海息波瀾戍亭
秋雨急關門朔氣寒方繫單于頸歌舞入長安

同前

裴讓之

沙漠胡塵起關山烽燧驚皇威奮武略上將惣神兵商類聚
高作臺朔風駛絕野塞雲生匈奴定遠近壯士欲橫行

南征

蘇子卿

一朝遊桂水萬里別長安故鄉夢中近邊愁酒上寬劔鋒
但須利戎衣不畏單南中地氣一作氣多暖少婦莫類聚
作早愁寒

從駕送軍

沈炯見類聚

惟堯稱乃武軒右號神兵弔民資智勇治亂屬師貞我君
鷹寶業歷駕視前英蒲海方無浪夷山有未平星光下結
旆劔氣上舒精雲開萬嶺徹日麗百川明撫鼓山靈應詔

蹕水祇驚

奉報趙王出師在道賜詩

庾信

上將出東平先定下江兵
彎弧伏石動振鼓沸沙鳴
橫海將軍號長風駿馬名
兩歇殘虹斷雲偏一鴈征
暗巖朝石濕空山夜火明
低橋澗底渡狹路花中行
錦車同建節魚軒異伯榮
軍中女子氣塞外夫人城
小人乖攝養歧路阻逢迎
幾月芝田熟何年金竈成
哀笳關塞曲嘶馬別離聲
王子身為寶深思不倚衡

和趙王送從軍

前人

樓船聊習戰白羽試搗軍
山城對却月岸陳底平雲赤
地懸弩影流星抱劍文
胡笳遙警夜塞馬暗嘶
羣客行明月破猿聲不可聞

軍師凱旋自邕州順流舟中

李嶠

鳴鞞入嶂口汎舸歷川湄
尚想江陵陣猶疑下瀨師
岸迴帆影疾風逆鼓聲遲
萍葉沾蘭漿林花拂桂旗
弓鳴蒼隼落劍鍾白猿悲
芳樹吟羗管幽篁入楚詞
一作全軍多勝策無戰在明時寄謝山東妙長纓徒自期

平湖二章 并序

唐玄宗

戎羯不虔竊我荒服命偏師之俘剪彼應期而咸殄一麾克定告捷相仍爰命是詩以言其志

集作爰作是詩聊以言志

雜虜忽猖狂無何敢亂常
羽書朝繼入烽火夜相望
將出凶門勇兵因死地強蒙
輪皆突騎按劍盡鷹揚
鼓角雄山野龍虵入戰場
流膏潤沙漠濺血染鋒銑
霧廓清玄塞雲開靜朔方
武功今已立文德愧前王

二

邊服胡塵起長安漢將飛龍蛇
開陣法貌武振軍威詐虜

腦塗地征夫血染衣今朝書奏入明日凱歌歸

奉和御製二首

裴漼

玄漠聖恩通由來書軌同忽聞窺月滿相聚寇雲中廟略
占黃氣神兵出絳宮將軍行逐虜使者亦和戎一舉輜輶
滅再麾沙朔空直將威禁暴非用武為雄飲至明軍禮疇
勳錫武功干戈還載戢文德在唐風

二

殊類驕無長王師示有征中軍纔授律妖寇已亡精斬虜
還遮塞綏降更築城從來攻必克天策振奇兵

同前

韓休

南牧正紛紛長河起塞氛王兵徵選士金鉞拜將軍疊鼓
遙邊吹連旌暗朔雲祆星乘夜落吉氣入朝分始見幽烽
驚俄看烈火焚功成奏愷樂戰罷策歸勳盛德陳清廟神

謨屬大君叨榮逢偃伯幸舞詠時文

夏日都門送司馬負外逸客孫負外仝

北征

沈佺期

二庭追虜騎六月動周師廟略天人授軍麾相國持復言
徵二妙才令重當時盡省連征橐橫門共別詞雲迎出塞
馬風卷渡河旗計日方夷寇旋聞杖杜詩

同前

時相王為元帥魏大夫元中為副

李义

日逐滋南寇天威撫北垂折珪行杖節持印且分麾羽檄
雙鳧去兵車駟馬馳虎旗懸氣色龍劔抱雄唯候月期戡
剪經時念別離坐聞關隴外無復引弓兒

送兵還作

集作蒯中作

高適

策馬自沙海上

集作長

驅登塞垣邊城高

集作何

蕭條白日黃

雲昏一到征戰處每愁胡虜翻豈無安邊書諸將已承恩

惆悵孫吳事歸來獨閉門

從軍北征

李益

天山雪後海風寒橫笛偏吹行路難
磧里征人三十萬一時
回向月中一作看

聽曉角

前人

繁霜一夜落平蕪吹角當城片月孤
無數寒風飛不度秋
風卷入小單于

平戎

時諫官論北虜未迴天德軍師請修城備胡之際

趙嘏

邊聲一夜殷秋鞞牙帳連烽擁萬蹄
武帝未能忘塞北仲
舒纔足使膠西冰橫曉渡胡兵合
雪滿窮沙漠騎迷自古
平戎有良策將軍不用倚雲梯

降虜

前人

廣武溪頭降虜稀一聲寒角怨金微
河湟不在春風地歌

舞空裁雪夜衣鐵馬半嘶邊草去
狼煙高映塞鴻飛揚雄
尚白相如吃今日何人從獵歸

邊塞

唐太宗

於北平作

翠野駐戎軒盧龍轉征旆遙山麗如綺
長流縈似帶海氣
百重樓巖松千丈蓋茲焉可遊賞
何必襄城外

和邊城秋氣早

李義甫

金微凝素節玉律應清葭邊馬秋聲急
征鴻曉陣斜關樹
凋涼葉塞草落寒花霧暗長川景雲昏
大漠沙溪深路難
越川平望超忽極望斷煙飄遙落驚蓬
沒霜結龍城吹水
照龜林月日色夏猶冷霜華春未歇
眷作高紫宸分明映
玄闕

冀北春望

崔液

回首覽燕趙春生兩河間曠然餘萬里際海不見山雨歇
青林澗煙空綠野閑問鄉無處所目送白雲關

邊愁

崔湜

九月蓬根斷三邊草葉腓風塵馬變色霜雪劍生衣客思
愁陰晚邊書驛騎歸殷勤鳳樓上還袂及春暉

早春邊城懷歸

前人

大漢疑作漢羽書飛長城未解圍山川凌玉障旌節下金微
路向南庭遠書因北鴈稀鄉關搖別思風雪故戎衣歲盡
仍爲客春還尚未歸明年征騎返歌舞及芳菲

塞外三首

鄭愔

塞外蕭條望征人此路賒邊聲亂朔馬秋引動胡笳遙障
侵歸日長城帶晚霞斷蓬飛古戍連鴈聚寒沙海暗雲無
葉山春雪作花丈夫期報主萬里獨歸家

二

荒壘三秋夕窮郊萬里平海陰疑獨樹日氣下連營戎旆
霜疑重邊裘夜更輕將軍猶轉戰都尉不成名折柳悲春
曲吹笳斷夜聲明年塞

一作漢

使返須築受降城

三

陽鳥南飛夜陰山北地寒漢家征戍客年歲在樓蘭玉關
朔風起金河秋月團邊聲入鼓吹霜氣下旌竿海外歸書
斷天涯旅鬢殘子卿猶奉使恒向節旄看

邊秋薄暮

蘇頌

海外秋鷹繫霜前旅鴈歸邊風思鞞鼓落日慘旌麾浦暗
漁舟入川長獵騎稀客悲逢薄暮況乃事戎機

送張判官赴河西

王維

單車曾出塞報國敢邀勳見逐張征虜令思霍冠軍沙平

連白雪蓬卷入黃雲慷慨倚長劍高歌一送君

送元二使安西

前人

渭城朝雨裊輕塵客舍青青柳色新集作春勸君更盡一盃酒西出陽關無故人

送劉司直赴安西

前人

絕域陽關道胡沙與塞塵三春時有鴈萬里少行人首著隨天馬蒲萄逐漢臣當令外國懼不敢覓和親

遼西作

崔顥

燕郊芳歲晚殘雪凍邊城四月青草合遼陽春水生胡人正牧馬漢將日征兵露重寶刀濕沙虛金鼓鳴寒衣着已盡春服與誰文粹作與成寄語洛陽使為傳邊塞情

發臨洮赴北庭劉別

岑參

聞說輪臺路年集作連年見雪飛春風曾集作長不到漢使亦來一作應

稀白草通踈勒青山過武威勤王不敢道遠思一作稿夢中歸

此詩一百九十二卷重出前已削去注異同為一作

磧西集作石頭送李判官入京 前人

一身從遠使萬里向安西漢月垂鄉淚胡沙損馬蹄尋河愁地盡過磧覺天低送子軍中飲家書醉裏題

度磧 前人

黃沙磧裏客行迷四望雲天直下低為言地盡天還盡行到西安更向西

營州 高適

營州少年滿集作獸原野狐集作皮裘蒙茸獵城下虜酒千杯不醉人胡兒十歲能騎馬

涼州 王之渙

一片孤城萬仞山黃沙直上白雲間羌笛何須怨楊柳春

光不度玉門關

邊頭作

李端

邠郊泉脉動落日上城樓羊馬水草足羌胡帳幕稠射鵬
過海岸傳箭脅邊州何事歸朝將今年又拜侯

過五原至飲馬泉

集作監

李益

綠楊着水宛集作草如煙舊是胡兒飲馬泉幾處吹笳明月
夜何時倚劔白雲天從來凍合關山路今日分流漢使前
莫遣行人照容鬢恐驚憔悴入新年

塞北行次度破訥沙

前人

眼見風來砂旋移經年不肖草生時莫言集作無倫塞北無春
到集作至縱有春來何處知

上黃堆峯

集作堆峯

前人

心期紫閣山中月身過黃堆峯集作堆峯上雲年髮已從書劔老

戎衣更逐霍將軍

送客還幽州

前人

惆悵秦城送獨歸薊門雲樹遠依依秋來莫射南來鴈從
遣乘春集作風更北飛

此詩二百七十五卷重出前已削去

早發破訥沙

前人

破訥沙頭鴈正飛鷓鴣泉上戰初歸平明日出東南地滿
磧寒光生鐵依

此詩二百九十三卷重出前已削去

宿金河戍

張震

朝發鐵麟驛夕宿金河宿奔波急王程一日千里路但見
容鬢改不知歲華暮悠悠沙漠行王事彌多故

邊詞

張敬忠

五原春色舊來遲二月垂楊未掛絲
即今河畔冰開日正是長安花落時

邊行書事

又玄集作塞上行

李昌符

朔野煙塵起天軍又舉戈陰風向晚急殺氣入秋多

又玄集作莽蒼盧關北孤城帳幕多客軍

和

近無西耗

李敬方

遠戎兵墜境遷客淚橫襟烽候驚春塞縲囚困越吟自憐
牛馬走未識犬羊心一月無消息西居日又沉

送張司直往單于到平沙

到又玄集作有于鵠

若過并州北誰人不憶家塞堡一作深無去伴路盡到平沙
磧冷唯逢鴈天春不見花莫隨邊將意垂老事輕車

邊思

揚衡

蘇武節毛盡李陵音信稀梅當隴上發人向隴頭歸

思遊邊友人

賈島

凝愁對孤燭昨日飲離杯葉下故人去天中新鴈來連沙
秋草薄帶雪暮山開苑北紅塵道何時見遠回

送友人遊塞

前人

飄蓬多塞下君見益潸然迴磧沙銜日長河水接天夜泉
行客火曉戍向京煙少結相思恨佳期芳草前

塞上行作

劉得仁

鄉井久離別窮邊觸目愁主人居外地塞雪下中秋鴈舉
之衡翅河停入虜流將軍心莫苦向此取封侯

發臨洮望蕭關

李昌符

漸覺風沙暗蕭關欲到時兒童能探火婦女解縫旗川絕
銜魚鷺林多帶箭囊暫來戎馬地不敢苦吟詩

送友人出塞

姚鵠

帝城春色着寒梅去恨離懷醉不開一作相別欲將何計免
此行應又隔年迴入河殘日鷓西盡卷雪驚蓬馬上來有
思莫忘清塞學衆傳君負佐玉才

邊遊

項斯

古鎮門前候長安路在東天晴槐葉霧日暮蒹花風塞館
皆無簞儒裝亦有弓防秋故鄉卒曾喜語音同

邊城寫眺

馬戴

聊凭危堞望暗起異鄉情塞迴關防絕山昏霧露生河難
胡鴈下戎壘漢聲一作鼓驚獨對殘秋色狂歌淚滿纓

逢友人邊遊迴

薛能一作馬戴

遊子新從絕塞迴自言曾上李陵臺樽前語盡北風起秋
色蕭條胡鴈來

送李溟出塞

前人

邊城官尚集作自惡况乃是羈遊別路應相一作多憶離亭更少
留黃沙人外閣飛雪馬前稠甚險穹廬宿無爲過代州
此詩二百八十一卷重出前已削去注異同爲一作

送友人出塞

前人

榆關早不可何況出榆關春草臨歧斷邊樓帶日閑人歸
穹帳外烏發廢營間此地秋堪集作堪想霜前作意還

回中作

温庭筠

莽莽雲空遠色愁嗚嗚戍角上高樓吳姬怨思吹雙管燕
客悲歌動集作別五侯千里關山邊草暮一星烽火朔雲秋
夜來霜重西風起隴水無聲凍一作壑不流

送人往塞北

李頻

上馬問雲中長川逆北風日西身獨去山轉路無窮樹隔
高關斷沙連大漠空君看河外將早晚合平戎

代北言懷

喻坦之

困馬榆關北那堪落景崔路行沙不絕風與雪兼來草得春猶白鴻侵夏始迴行人莫遠入戍角有餘哀

書邊事二首

張喬

調角斷清秋征人倚戍樓春風對青塚白日落梁州大漢無兵阻窮邊有客遊蕃情如此水長願向春流

二

萬里沙西寇已平犬羊羣外築空城分營夜火燒雲遠教獵秋鷗掠草輕秦將力隨胡馬竭蕃河流入漢家清羌戎不識干戈老須賀明時聖主明

送人遊邊

鄭谷

春亦怯邊遊此行風正秋別離逢雨夜道路向雲州磧樹藏城遠沙河漾日流將軍方破虜莫惜獻良籌

京

涼 疑作

西即事

韓琮

秋草河蘭起陣雲涼州唯向管絃聞豺狼毳幕三千帳貔虎金郊十萬軍候騎北來驚有說戍樓西望悔為文昭陽亦待平安火誰握旌旗不建勳

邊思

周朴

年高來遠戍白首罷平戎夜色薊門火秋聲邊塞風磧浮悲老馬月滿引新弓百戰山陰去唯添上將雄

邊庭送別

張蠩

一生雖達理遠別亦相悲白髮無修處青松有老時暮煙傳戍起寒日隔沙垂若是長安去何難定後期

登單于臺

前人

邊兵春盡迴獨上單于臺白日地中出黃河天外來沙翻痕似浪風急響疑雷欲向陰關度陰關曉不開

過蕭關

前人

出得蕭關北，儒衣不稱身。隴狐來試客，沙鷓下欺人。曉戍殘衙火，晴原起獵塵。邊戎莫相忌，非是霍家親。

薊北書事

前人

度磧如經海，茫然但見空。戍樓承落日，沙塞礙驚蓬。暑過燕僧出，時平虜客通。逢人皆上將，誰有定邊功。

朔方書事

前人

秋盡角聲苦，逢人唯荷戈。城池向隴小，歧路出關多。鴈遠行垂地，烽高影入河。仍聞黑山寇，又覓漢家和。

邊夜

羅隱

光景漂如水上生，涯轉似萍。鴈門窮朔路，牛斗故鄉星。刀盡人一作書誰切，歌終淚自零。夜闌迴首算何處，不長亭。

文苑英華卷第二百九十九

登仕郎胡柯鄉貢進士彭叔夏校正

文苑英華卷第三百

詩一百五十

軍旅二

邊將六十四首

邊城將四首

吳均

塞外何紛紛，胡騎欲成羣。爾時始應募，來投霍將軍。刀含四尺影，劍抱七星文。袖間血灑地，車中旌拂雲。輕軀如未殞，終當厚報君。

以下四篇並見藝文類聚

二

僕本邊城將，馳射靈關下。箭銜鴈門石，氣振武安瓦。勳輕賞廢，立名高拜。橫野留書，應鑿楹傳功。須勒社徒，傾七尺命。酬恩終自寡。

三

聞君報一餐，遠送出平野。玉標丹霞劍，金絡豔光馬。高旗

入漢飛長鞭歷地寫曙星海出曉月山頭下歲晏生論
功自有思一作思臣者

四

臨淄重蹋鞠曲城好擊刺不要身後名專騁眼前智君看
班定遠立功不負義掣拽二丈旗躑躅雙鳧騎但問相知
否死生無險易

送魏大從軍

陳子昂

匈奴猶未滅魏絳復從戎悵別三河道言追六郡雄鴈山
橫代北狐塞接雲中勿使燕然上獨有漢臣功

安輯嶺表事平罷歸

李嶠

雲端想京縣帝鄉如何見天涯望越臺海路幾悠哉六月
飛鵬去三年瑞雉來境遙銅柱出山險石門開自我違溼
洛瞻途屢揮霍朝朝寒露多夜夜征衣薄白簡承朝憲朱

方撫夷落既弘天覆廣且論皇恩博皇恩溢外區憬俗詠
來蘇聲朔臣天子壇場拜老夫絳宮韜將略黃石寢兵符
返旆收龍虎空營集鳥鳥日落澄氣靄憑高視矜帶東甌
抗干越南斗臨吳會春色遶邊陲飛花出荒外卉服紛如
積長川思遊客風生丹桂晚雲起蒼梧夕去軸蟻清江歸
軒趨紫陌衣裳會百蠻賕賂費委重關不學金刀使空持寶
劍還

送趙頌貞郎中試集作赴安西副大都護 張說

絕鎮功難立懸軍命匪輕復承遷相後彌重任賢情將起
神仙地才稱禮樂英長心堪繫虜短語足論兵日授休門
法星教置陣名龍泉恩已著集作署鷲領相終成月窟窮天
遠河源入塞清老夫操別翰承旨頌營平

同錢陽將軍兼源州都督御史中丞 蘇頲

右地接龜沙中朝任虎牙然明方改俗去病不爲家將禮
登壇盛軍容出塞華朔風搖漢鼓邊月思胡笳旗合無邀
正一作整冠危有觸邪當看勞旋日及此御溝花

送趙都護赴安西

張九齡

將相有更踐簡心良獨難遠圖常畫地超拜乃登壇戎即
崑山序車同渤海單義無中國費情必遠人安他日文兼
武而君集作今栗且寬自然來月窟何用刺樓蘭南去三冬
曉集作晚西馳萬里寒封侯自有處征馬去嘽嘽

送趙督都赴代州

得青字

王維

天官動將星漢地集作止柳條青萬里鳴刁斗三軍出井陘
忘身辭鳳闕報國取龍庭豈學書生輩窻中老一經

贈裴旻將軍

前人見集本

晉閭寶劍七星文臂上瑠弓百戰勲見說雲中擒黠虜始

知天上有將軍

送趙都護赴安西

孫逖

外域分都護中臺命職方欲傳清廟略爲取劇曹郎已佩
登壇印猶懷伏奏香一作章百壺開祖餞駟牡結戎裝青海
連西夏黃河帶北涼關山瞻漢月戈劍宿胡霜體國才先
著論兵策復長果持文武術還繼晉一作杜當陽

送軍中

賀知章

常經絕脉塞復見斷腸流送子成今別令人起昔愁隴雲
晴半雨邊草夏先秋萬里長城寄無貽漢國憂

投贈哥舒開府翰二十韻

杜甫

今代騏驎閣何人第一功君王自神武駕馭必英雄開府
當朝樂論兵邁古風先鋒百勝在略地兩隅空青海傳飛
箭天山早挂弓簾頗仍走敵魏絳已和戎每惜河湟棄

集作無傳

新兼節制通知謀垂蒼想出入冠諸公日月低秦樹乾坤
遶漢宮胡人愁逐北宛馬又從東受命邊沙遠歸來御席
同軒墀曾寵鶴畋獵舊非熊茅土加名數山河誓始終策
行遺戰伐契合動昭融勲業青冥上交親氣槩中未為珠
履客已是白頭翁壯節初題柱生涯獨轉蓬幾年春草歇
今日暮途窮軍事留孫楚行間識呂蒙防身一一作腰長
劔聊集作將欲倚崆峒百勝在勝川本注作戰知謀川本作知謨已是川本見

送羽林陶將軍

李白

將軍出使擁樓船江上旌旗拂紫煙萬里橫戈探虎穴三
杯拔劔舞龍泉莫道詞人無膽氣臨行將贈繞朝鞭

餞王將軍赴雲中

孟匡明

貳師憑廟略分閫佐元戎勢亞彤弓寵時推金印雄關山
橫伐北旌節壯河東日轉前茅影春生細柳風飲冰君一作傳

命速揮涕餞

別一作

遙空佇聽陰山靜誰爭萬里功

送李大都護

常建

單于數不戰都護事邊深君執幕中祕能為高士心海頭
近初月磧裏多愁陰西望郭猶子將分淚滿襟

送單于裴都護赴西河

崔顥

征馬出翩翩秋城月正圓單于莫近塞都護欲臨邊漢驛
通煙火胡沙乏井泉功成須獻捷未必去經年

贈梁州張都督

前人

聞君為漢將虜騎不南侵出塞清沙漠還家拜羽林風霜
臣節苦歲月主恩深為語西河使知余報國心

古遊俠呈軍中諸將

帶兩綬

帶又玄集作懸

前人

少年負膽氣好勇復知機仗劔出門去孤城逢合圍殺人
遼去水上一作走馬漁陽歸錯落金鎖甲蒙茸貂鼠衣還家

且行獵弓矢速如飛地迴鷹犬疾草深狐兔肥腰間帶兩綬

一作韃

轉眄生光輝顧謂今日戰何如隨建威

此詩三百三十三卷重出今已削去注異同爲一作

贈輕車

前人

悠悠遠行歸春日涉長道幽冀桑始青洛陽蠶欲老憶昨戎馬地別時心草草烽火從北來邊城閉常早平生少相遇未得展懷抱今日杯酒間見君交情好

送南特進歸行營

劉長卿

聞道軍書至揚鞭不問家虜雲連白草漢月到黃沙汗馬河源飲燒荒隴坻遮翩翩新結束去逐李輕車

代邊將有懷

前人

少年辭魏闕白首向沙場瘦馬戀秋草征人思故鄉暮笳吹塞月曉甲帶胡霜自到雲中郡于今百戰強

送人赴西安

岑參

上馬帶吳鉤翩翩度隴頭小來思報國不是愛封侯萬里鄉爲夢三邊月作愁早須青點虜無事莫經秋

贈劉將軍

韓翃

明光細甲照鋌鍛昨日承恩拜虎牙膽大欲欺姜伯約功多不讓李輕車青衣校尉遙相許黑稍將軍莫大誇闕下來時親伏奏胡塵未盡不爲家

送李將軍赴定州

烽火又玄集作烽火

郎士元

雙旌漢飛將萬里受橫戈春色臨關盡黃雲出塞多鼓鼙悲絕漠烽火戍隔長河莫斷陰山路天驕已請和

代負將軍罷戰後歸里贈朔北故人

盧綸

結髮事疆場全生俱到鄉連營防鐵嶺同日破漁陽牧馬胡天晚移軍磧路長枕戈眠古戍吹角立繁霜歸老勳仍

在酬恩慮未忘獨行過邑里多病對農桑雄劍依塵席陰符寄藥囊空餘麾下將猶逐羽林郎

贈史開府

戴叔倫

南天胡馬獨悲嘶白首相逢話鼓鼙野戰頻年沙朔外旌高竿與雪峯齊扁舟遠泛輕全楚落日愁看舊紫泥早晚瑤階歸伏奏獨一作猶能畫地取關西

贈淮西賈兵馬使

見二百五十七卷

前人

前篇作釋清汪

春光

前篇作春風

半拆

前篇作作發

楚蜀

前篇作吳楚

晚水贈張折衝

此公事制舉

薛業

都紂今無事時清但閉關夜霜戎馬瘦秋草射堂閑位以穿揚得名因折桂還馮唐真不遇歎息鬚毛斑

贈老將

權德輿

白草黃雲塞上秋曾隨驃騎出并州轆轤劍折虬鬚白轉

戰功多獨不侯

奉使朔方贈郭都護

李華

絕塞臨光祿孤營佐貳師鐵衣山月冷金鼓朔風悲都護徵兵日將軍破虜時揚鞭玉關道回首望旌旗

河源破賊後贈袁將軍

釋法震

白羽三千駐蕭蕭萬里行出關深漢壘帶月破蕃營蔓草河源色悲笳碎葉聲欲朝王母殿前路駐高旌

贈張關府

耿緯

寥落軍城暮重城反照間鼓鼙經雨暗士馬過秋閑慣守臨邊郡曾營近磧山誰云張校尉萬里鑿空還

代宋州將淮上乞師郡歸

集作遠歸家出

前人

脣齒幸相依危亡故郡歸身經百戰後家出數重圍上將堅深壘殘兵闕落暉常聞鐵劍利早晚借餘威

上將軍行

前人

蕭關掃定犬戎羣，閑閣層城白日曛。
檣上驂騑嘶鼓角，門前老将識風雲。
旌旗四面寒山映，蕭管千家靜夜聞。
更想他時看竹帛，功成不獨霍將軍。

此篇二百五十四卷重出題作上裴行軍中丞
詞頗不同全載于此

贈隣家老将

楊巨源

白首羽林郎，丁年戍朔方。
陰天瞻磧落，秋日渡遼陽。
大漠寒山黑，孤城夜月黃。
十年依蓐食，萬里帶金蒼。
拂雪陳師祭，衝風立教場。
箭飛瓊羽合，旗動火雲張。
虎翼分營勢，魚鱗擁陣行。
誓心清塞色，鬪血雜沙光。
戰地晴輝薄，軍門曉氣長。
冠深爭暗襲，關迴勒春防。
身賤竟何訴，天高徒自傷。
功成封寵將，力盡到貧鄉。
雀老方悲海，鷹衰却念霜。
空餘孤劍在，開匣一霜裳。

征人

楊衡

西風屢鳴鴈，東郊未昇日。
繁煙幕幕昏，暗騎蕭蕭出。
望雲愁玉塞，眠月想蕙質。
借問露霑衣，何如香滿室。

漁陽將

張籍

塞深沙草白，都護領燕兵。
放火燒奚帳，分旗築漢城。
下營看嶺勢，尋雪覺人行。
更向桑乾北，擒生問磧名。

安西將

前人

萬里海西路，茫茫邊草秋。
計程沙塞口，望伴驛峯樓。
雪暗非時宿，沙深獨去愁。
塞鄉人易老，莫住近蕃州。

據張籍集安西將送邊使各是一詩
今英華送邊使詩已入二百九十七卷
而此安西將一篇却誤以送邊使詩充之
今用集本釐正

征西將

前人

黃沙北風起夜半又離集作營戰馬雪中立探人冰上行
深山旗未展陰磧鼓無聲幾道征西將同收碎葉城

送防秋將

前人

白首征西將猶能射戟支元戎選部曲軍吏換旌旗逐虜
招降遠開邊舊壘移重收隴外地應似漢家時

劍氣詞三首

姚合

聖朝能用將破敵速如神掉劍龍纏臂開旗火滿身積屍
川有岸流血野無塵今日當場舞須集作知是戰人

二

夜渡黃河水將軍險用師雪聲集作偏着甲風力不禁旗
陣變龍蛇活軍雄鼓角知今朝意氣集作舞記得戰酣時

三

破虜行千里三軍氣益集作展旗遮日黑驅馬踏河枯
隣境求兵略皇恩索陣圖元和太平樂自古恐應無

送振武將軍

李廓

葉葉歸邊騎風頭萬里乾金裝腰帶重錦縫耳衣寒蘆酒
燒蓬煖霜鴻撚箭看黃河古城道秋雨白漫漫

老将

賈島

膽壯亂鬚白金瘡蟲百骸旌旗猶入夢歌舞不開懷鷲雀
來鷹架塵埃滿箭韋自誇勲業重開府是官階

贈王將軍

前人

宿衛爐煙近除書墨未乾馬曾金鏃中身有寶刀瘢父子
同時捷君王盡陣看何當為外帥白日出長安

贈金河戍客

雍陶

慣獵金河路曾逢雪不迷射鵬青塚北走馬黑山西戍遠

旌幡少年深一作沙平帳幕低酬恩須盡敵休說夢中閨

罷還邊將

前人

白鬚虜將話邊事自失公權怨語多漢主豈勞思李牧趙
王猶是一作自用廉頗新鷹飽肉唯閑獵舊劍生衣懶更磨
百戰無功身老去羨他年少渡黃河

贈邊將

姚鵠

三邊昔一作近日往來通盡是將軍鎮撫功兵統萬人為上

將威加千里攝一作攝西戎清笳遠塞吹寒月紅旆當山肅

曉風却恨北荒霑雨露無恩掃盡虜庭空

邊將

馬戴

玉榼酒頻傾論功笑李陵紅韁跑駿馬金鍔掣秋鷹塞迴
連天雪河深徹低冰誰言提一劍勤苦事中興

送武陵王將軍

前人

河外今無事將軍有戰名艱難長劍闕功業少年成曉仗
親雲陞寒宵突禁營朱旗身外色玉漏耳邊聲開閣談賓
至調弓過鴈驚為儒多不達見學請長纓

贈蜀將蠻人成都頗著功勞

温庭筠

十年分散劍關秋萬事皆隨一作從錦水流志一作心氣已曾

明漢節功名猶尚帶一作自帶吳鈎鵬邊認箭寒雲重馬上聽

笳塞草愁今日逢君倍惆悵灌嬰韓信盡封侯

此詩二百六十一卷重出前已削去注異同為一作

傷邊將

前人

昔年戎虜犯榆關一敗龍城疋馬還侯印不聞封李廣別
人丘壠似天山

送魏尚書赴鎮州行營

張祜

河塞日駸駸恩酬報盡深伍負忠是節陸績孝為心坐激

書生憤行歌壯士吟慙非燕地客不得受黃金

贈邊將

張喬

將軍誇膽氣功在殺人多對酒擊鍾飲臨風拔劍歌翻師
平碎葉略地取交河應笑孔門客年年羨四科

河湟舊卒

前人

少年隨將討河湟頭白時清返故鄉十萬漢兵零落盡獨
吹邊曲向殘陽

宴邊將

前人

一曲梁州今不清邊風蕭颯動江城坐中老沙場客橫笛
休吹塞上聲

邊將二首

張蠟

歷戰燕然北功高劍有威聞名外國懼輕命故人稀角怨
星芒動塵愁日色微從為漢都護未得脫征衣

二

按劍立城樓西看極海頭承家為上將開地得邊州磧迴
兵難伏天寒馬易收胡風一度獵吹裂錦貂裘

邊將

羅鄴

上馬乘秋欲建勳飛狐夜關出師頻若無紫塞煙塵事誰
識青樓歌舞人戰骨沙中金鏃在賀筵花畔玉蟾新由來
邊卒皆如此只是君門合殺身

平陵老将

韋莊

白羽金僕姑腰懸雙轆轤前年葱嶺北獨戰雲中胡足馬
塞垣老一身如鳥孤歸來辭第宅却占平陵居

贈邊將

前人

昔因征遠向金微馬出榆關一鳥飛萬里只隄孤劍去十
年空逐塞鴻歸手招都護新降

待煙塵報天子壯心無事別無機

文苑英華卷第三百

登仕郎胡

柯

鄉貢進士

彭

叔夏

校正

